

دارالفنون

حقوق فائزہ بنت محمد علی

حقوق، سیاسیات، اقتصادیات

ایک آبرہ برائے اولاد

مذہب جات :

مرحوم سید ہاشم بک

قسم حقوقی :

[یوسف ضیا]		ژوری
[مرحوم سید ہاشم بک]		وحدت قضا
		محاکم شرعیہ نیک عدلیہ نظارتہ ربطی حقندہ مجلس
[مرحوم سید ہاشم بک]		میعونات عدلیہ انجمنی مضطہبی
[مصطفی رشید]		مواد حقوقیہ حبس ایلمہ تضییق

قسم اقتصادی :

امور ادارہ ایلمہ استاقتیق آرد سندہ کی مناسبات [دو قنور اوژن وور تسبور غہر]

استانبول - مطبعہ عامرہ

۱۳۳۳-۱۳۳۶

قسم حقوقی

— ژوری —

اصول جزائیه مندرک نقصانی

اصول محاکمات جزائیه قانونی شویله جه مطالعه ایدلیدیکی وقت اونده بر اکیسکک ،
مننده بر نقصان حس ایتمه مک غیر قابلدر . قانون مذکورک جنایت محاکمه سینه طاند
فصلی محاکمه نک تفصیلات وفروعاتیله مالی اوله رق دوام ایدوب کیدرایکن محاکمه نک
ختانی متعاقب بردنبره کسبیلر .

قانونک کرک تحقیقانه وکرک محاکمه تعلق ایدن فصللری اوزون اوزادی به کشف
ومعاینه دن ، تحریات وتفحصاتدن ، استطلاعات وتحقیقاتدن ، استحصال دلائلدن بحث
ایدوب کیدر . بونلرک هربری ایچون برطاقم اصول ومراسم ، برطاقم واجب الرطایه قواعد
وضعی ایله اوغراشیر . فقط بحث ابتدییکی وایجه دن ایجه به قواعد ومراسمه تابع طوتدینی
دلیللرک قیمت وقوتی حقنده هیچ برشی سویلر . انواع دلائلدن هر برینک صورت
استحصال وایرادی برچوق کلفت ومراسمه تابع قیلمقله برابر بودلیللر شو صورته
استحصال ایدلرکدن صکره حکامک اولردن هر برینه نه قیمت ویره جکی ، نه درجه استناد
ایده بیلر جکی حقنده تماماً سکوت ایدر . انسانه اوله کلیرکه بوقدر صیق قیود قانونیه
ترتیب ایدن ، دلائلک استحصال وایراندن بو مرتبه مراسم اهتام ایلیان واضع قانون
او دلائلک ماهیت وقوتی حقنده نهایت برشی سویله جکدر . فقط متن قانونی اوقویوب
کیتمکده دوام ابتدیککیز حلاله امید وانتظارکز ، بهوده اولور . قانون مذکورک ایکی
یوزطقسانجی ماده سی اک جوق اهتام ایله ترتیب ابتدییکی واکشیدید ودقیق قواعد ومراسمه
تابع قیلدینی جنایت اصول محاکمه سینه ختام ویرر ودر حال هیئت محکمه یی مذاکره سالوننه ادخال
ایله رک مجرمیت ویابرائت قرارینی ویردیرر . بوداده سلسله تحقیقات ومحاکماتک بردنبره
کسیلمسی ودلائلک قوه اقناعیه سی حقنده یوقاریدن بری هیچ برشی سویللمه سی انسانی
متحیر ایدر . زیرا بر اصول محاکمه نک اک بویوک صفات میزه سی دلائلک تقویم وتقذیری
حقنده حکامه رهبرلک ایده جک احکامی محتوی اولان اوصافدر وهر حاله بونک بر مابعدی

اوله جنی ذهابله سزی دیگر بر فصلك دخی تعقیب و مطالعه سنه سوق ایدرسده ذهابکنزده
یا کیدیفکنز پک چابوق ا کلا شیلیر . ارتق اوندن ایلرو سنك دلائل بحیثله هیچ بر علاقه سی
یوقدر . ذهنکز اوراده بر بوشلق بر اکیسکلك موجود اولدیفنی ولوکه مہم بر صورتده
اولسون طویار . عجبا بونقصان نرودن کلیور ؟

★
★

بواکیسکلك اصول محاکمه نك مملکتتمزه حین تطبیق و قبولنده ژوری فصلك قانوندن
تماماً طی ایدلسندن نشأت ایتمکده در . بزده حادثات تشریعیه نك تاریخ ایله علاقه سی
اصلاً تأمل ایدلمه مکده اولدیفنی ایچون اصول محاکمه نك حین وضعنده ژوری فصلك نه
اسبابه بناءً طی ایدلش اولدیفنی حقنده قطعی بر معلوما تمز یوقدر . اووقت نه کی ملاحظات
و مطالعات ، نه کی اسباب موجبیه مستند اوله رق بوفصلك طی ایدلدیکنی بیلمیورز .
چونکه قانونك صورت ترتیب و تکلیفه و هیئت دولته جریان ایدن مذاکرانه دائر
هیچ برشی انتشار ایتمه مشدر . بوبابده بیلدیکن برشی وارایسه اوده ژوری اصولك عنعناتمه
توافق ایتمه سی ، مملکتتمزده قابل تطبیق اولماسی یولنده کی فکر واعتقاددر . بو فکر
و اعتقاد بوکون بیله هر کسك لساننده طولاشمقده در . عجبا اصول محاکمه نی بو طرزده
ترتیب ایدنلر فی الحقیقه ژورینك مملکتتمزده قابل تطبیق اولمه جنی ذهاب مطابق ایله می
حرکت ایتدیلر ؟ احتمالکه صحیحدر . قانونك حین نشرنده مملکتتمز او قدر مختلف الاجناس
بر خلیطه ایدی که ذاتاً بر قانونك هر برده عین سیاق اوزره قابلیت تطبیقیه سی تسلیم
ایدیله مزیدی . عادتلری ، اخلاقلری ، میلانلری ، طرز اجتماعیلری مختلف اولان بر
جوق اقوامی عین قانون تحتنده اداره ایتك اساساً امکانمز ایدی . باخصوص ارناوودلق
کی فکر انتقامك جاری اولدیفنی قطع لرده ژوری اصولی کوجلیکله موقع قبول بولوردی .
مع هذا شورا سنی ده تسلیم ایتلیدر که اصول محاکمه نك شکل حاضری بیله هنوز شویله
بویله حیات بدو تدن آیرلمه مش اولان اقوام ایچون و بالخاصه عربستانك اقوام بدویه سی
ساکن اولان بر لرنده دخی قابل تطبیق دکلددر . زیرا اصول محاکمه بر حادثه مدنیه و اجتماعیه در که
هرشیدن اول افراد جمعیت کندی کندینه احقاق حق فکرندن صرف نظر ایتش و بونی هیئت
اجتماعیه ترک ایلش اولمیددر . بو برلر ده ایسه هنوز حیات بدویتك ماهیتنده مندمج اولان
کندی کندینه احقاق حق فکری زائل اولمش دکلددر .

لکن شرق اهالیسی میاننده تورک هررقی اوروپانك بالجمله تأسیسات مدنیه سی

قبوله مساعد بر حال و موقعه در. بومرق عصر اردبیری حیات بدو تدن حیات مدنی به انتقال ایتش و کنندی کنندینه احقاق فکرندن چوقدنبری صرفنظر ایدرک حق جزایی منسوب اولدینی حکومته ترک ایلشدر. اوروبا اها ایلسندن دهاجوق ده، وقرات و بیکلرجه سنه لک حاکیت تأثیراتیه موجودیت سیاسیه سنه واقف اولدیفندن بومرقک ساکن اولدینی ولایاتده هر درلو تأسیسات مدنی و اجتماعی بلا مانع و کمال سهولتله وجوده کتیریه بیلیر؛ و اوفق بر همت و جزوی بر تنور اولنری در حال اوروبا صنوف اها ایلی درجه سنه اصعاد ایدر. شیمدی به قدر بوهمتک اسیر که نمسی، بومرقک نور عرفاندن محروم قالمسی اونی پک کیری براقش فقط حیات مدنی دن محروم ایتمه مش؛ اوندکی استعداد ازلی بی سوندیرمه مشدر. بناء عایه قانونک واضعلری بوفصلی طی ایتدکری صره ده مملکتک بر قسم قطعاتی حقنده صحیحاً بوفکر و ذهابی حاصل ایتشلرایسه بیله تورک هرق حقنده یا لکیز بو ذهاب ایله حرکت ایتش اولدقزینیه پک ده اینانیله من. بونده خاقان سابقک انتخاب اها لی به تعلق ایدن هر نوع خصوصدن تحاشی و احترازینک دخی تأثیری کلیمی اولدینی ظن ایدیه بیلیر. فی الواقع مجلس مبعوثانی فسخ ایله اداره حکومتده نواب اها لیک مداخله سی منع ایدن بر ذات قدرت حکومتک الک بارز و سائط اقتدارندن اولان حاکمیتی انتخاب اها لی به ترک ایتمکی بالطبع ترویج ایده مزیدی. دیگر طرفدن خاقان سابقک شخصی و حکومتی علیه ابتدای جلوسندن بری یوکسه لوب کلن و هیچ بروقت سونمه مش و سوندیریه مه مش اولان طعن عمومی مناسبتیه تحدت ایده جک انواع جرائم سیاسیه ده هر درلو حس خوف و احترازدن و هر نوع مسئولیتدن بری و بوتون مناسبتیه لایسئل بر هیئت حاکمه نک تأسس ایتسی مشارالیهک و هم و خیالنه طوقومش اولسی دخی ملحوظدر. فی الحقیقه ناقابل افساد و اطماع، ناقابل تدهیش و اخافه بر هیئت حاکمه تأسس ایتش اولسه ایدی هر حالده مدحت پاشا محاکمه لری کبی مراتب جنایتلر، مصنع مسخره لقلر احداث ایدیه مزیدی؛ و مظلوماً محکوم اولان بر چوق استخاض عدالت نامه ایضاع ایدیلان مظللمدن خلاص اولوردی.

بناء عایه خاقان سابقک شخصی دوشونجه لرینک دخی ژوری اصولک عدم قبوی مجنده تأثیر کلیمی اولدینی ظن ایدیه بیلیر. مه هذا ژوری علیه ده کی افکار مملکت مزده عادتاً کوکشمش کبی بر حالده در. پک نادر و مستثنا ذواتدن صرفنظر ایدیلور ایسه هان هر کس ژورینک ماهیته دائر بر فکر مخصوصه دخی مالک اولمقسزین و ساده جه قولاق

طولفونلفیه ژوری فکریک علمنده اداره لسان ایدر . ایسته بوندن طولای بوراده مقصد من ژورینک ماهیتی و ژوری فصلک قانونمزدن طی ایدلسنک حاصل ایتدیکی نتایجی تدقیق ایتکدر .

* *

ژوری فکریک تمایله ادراک ایدم بیلک ایچون اول امرده ژوری تأسیساتندن مقدم اورویای بریده مرعی اولان اصول محاکمه برنظر اجمالی عطف ایتک اقتضا ایدر . ژوری تأسیساتندن مقدم اوروپاده جاری اولان اصول محاکمه کس اساس و مبناسی دلیل قانونی نظریه سی ایدی . یعنی قانون مرفعه و هر جریمه مخصوص اوله رق دلیلک طرز و قوتی تعیین ایتش و فعلک نوعه کوره شوو یا بودلیل موجود اولونجه حاکمک همه حال فعلی و مجریمی ثابت عد ایتسی ضروری بولونمش ایدی . بویله بر اصول محاکمه ده حاکم قانونک برآلتی ، جانسز برماکنسی حالنده اولوب موجود اولان دلیل معین قانونی افکار و وجدانلری اقناع ایتسه دخی اوکا حکم ایتک و بالعکس مجریمتسه قناعت صمیمیه موجود اولان اشخاص حقنده قانونک معین دلیللری الده ایدیه مدیک ایچون اونلری تبریه ایتک مجبور قالیرلردی . مثلاً بر جوق امارات و قرآنک وجودینه و مجریمت حقنده کی قناعته رغماً نصاب شهادتک عدم وجودندن طولای قاتل قور تولور و بالعکس براهین قطعی معصومیه رغماً ایکی شاهدک شهادتی مجریمت قراری اعطاسنه حکامی مجبور ایدردی . عصر لرجه دوام ایدن بواصول محاکمه کس مضرکی چوقدن اکلاشلش و بر جوق ارباب فکر و نظر طرفندن تنقیداته باشلامش ایدی فقط بونی اصلاح و تعمیر ایچون پایلان تشبثات کافی و متمر بر نتیجه حاصل ایدمه یور ایدی . اشته بواشتغالات فکریه یی بوتنه عمومی یی متعاقب فرانسه اختلال کیری ظهور ایتدی و اختلالک حل و حسم ایتدیکی مسائل عظمای اجتماعیه و سیاسیه دن بریسه ده اصول محاکمه جزاییه اولدی . فرانسه هیئت مؤسسه ملیه سی اصول محاکمه جزاییه بحثنده در حال نظرلری انکلتیره توجیه ایتدیلر .

* *

انکلتیره ده ابتداسی معلوم اولیان یک قدیم زماندنبری بر طرز محاکمه موجود ایدی که فاعل دیفلان شخصک قومشولردن ، کندیسنی طاینانلردن مرکب بر هیئت حضورنده محاکمه ایدیلرک فملک و فاعلیتک ثبوتنه اونلر طرفندن حکم ایدیلر ایدی . اون ایکنجه

عصر دئیری موجودتی معلوم اولان بوتائیسک انکلتزده نه وقت باشلادینی معلوم دکلدی. آنجق انسانلرک عالیه و قبیله حیاتی کچیردکلی ادوار ابتدائییه قدر یوکسه لمکده اولدینی ملحوظ ایدی. فی الحقیقه حق حاکمیتک اؤ معقول اؤ منطق و بوکونکی نظریات حقوقیه به اؤ موافق اولان طرزی عالیه و قبیله حیاتنده کی حاکمیتدر. وراده جزادن مقصد مجرمی تعذیب دکل اصلاح ایتمکدر. بر پدر، بر عالیه رئیس اولاد و احفادنن برینی یاپدینی بر فالقندن طولانی جزالاندیرر، مؤآخذ ایدرسه هیچ بروقت بوجزاده کی مقصدی کندیمی ایچون عزیز اولان بروجودک تعذیب دکلدر. اوفعلک و امثالک تکرر ایتمه منی، کندیسک صلاح حالی تأمین ایچوند. ایشته نظریات جدیده جزائییه نک روح و اساسی اولان بوفکر بوتون معناسیله بوعالیه و قبیله حیاتنده کی حاکمیتده مند مجدر. دیگر طرفدن رئیس عالیه و قبیله بین العالیه وقوعبولان منازعات و مناقشاتده اساساً کیمک تأثیرات سینه سی موجود اولدیقه واقفدر. افراد عالیه و قبیله سندن هر برینک استعدادینه تمایلاتنه اخلاق و مشوارینه واقف اولدینی ایچون اسناد ایدیلان فعلک اوندن صدوری صحیح اولوب اوله میه جفی کیفیتنی در حال ادراک و تیقن ایده بیلور. ایشته انکلتزده موجود اولان وزوری نامی ویریلان هیئتک بوادوار ابتدائییه انسانیه دن نبعان ایدوب کلدیکی و ترقیات تدریجیه بشریه ایله بعض تکاملاته مظهر اولدیی مظنوندر. انقلو - سافسون هر قه خاص اولان محافظه عنفات استعدادی بو حاکمیت ابتدائییه نک اثارینی عصر آ بعد عصر محافظه ایش و آنجق هیئت اجتماعییه نک قبیله حیاتندن قوم حیاتنه و اوندن ملیت و هیئت معظمه اجتماعییه حیاتنه انتقالیه متناسب تحولاته مظهر اولمشدر. نصل رئیس عالیه و یار رئیس قبیله کندی ریاستنده کی افرادک استعداد و تمایلاتنه اخلاق و مشوارینه واقف و اسناد ایدیلان فعلک اوندن صدور ایدوب ایدمه میه جکفی و هله اولاده تیقنه مقتدر ایسه مدینیت و ملیت حیاتنه انتقال ایدن دورده دخی بر جرمک فاعلی اولوق اوزره مطنون اولان شخصک اوفعلی ایقاع ایدوب ایتدیکی کیفیته حکم ایلمک قضیه سی مطنون عد ایدیلان شخصک اخلاق و تمایلاتنه استعداد و مشوارینه پک یاقیندن واقف اولان و فعل مدعا بهک اوندن صدور ایدوب ایدمه میه جکفی تیقنه مقتدر بولونان اشخاصه یعنی کندیسک قرب و جوارنده ساکن و دائماً کندیسبله تماس و مناسبتی حائز بر هیئته نودیع اولونمشدر.

انکلیز قومک معلوم و مضبوط اولان تاریخنده بوتائیس عدلیک انکلیز

ملئى ايجون حریت وعدالتك برضمان قویسی اولدینی مشاهده ایدلش و بوتأسیس عدلی سایه سنده ملت مرقومه نك نه بویوك سعادت و حریتله یاشامقده اولدقلری انكلمتریه کیدوب کلن ارباب علم و عرفان طرفدن فرانسه ده نشر ایدلمکک باشلانمش ایدی . حتی موتسکیو مشهور عالم اولان (روح القوانين) نام اثرنده ژوریدن بحث ایدرکن حکم ویرمک قدرتی دائمی برحکمیه تودیع ایدلمه ملیدر . انجق بوقدرت بالنفس اهلیدن آلمش ذواتدن متشکل بر هیئت طرفدن استعمال ایدلمه لیدر . بو هیئتلر قانونک تعیین ایدم جکی بر شکله توفیقاً تشکیل ایدلمی و احتیاج درجه سنده امتداد ایتیلیدر . بو صورتله بین البشر اورتبه مدھش اولان حکم ویرمک قدرتی نه معین بر طاقم هیئتلره نه معین بر طاقم مسالک اربابنه امر بوط و مخصی و الما قسزین همانده غیر مشهود و غیر محسوس اولور . بوندن بشقه جراثیم عظیمه ده منھم حاکملرینی سچه بیللمی ویا هیچ اولمازسه او یله بر مقدارینی رد ایدم بیلما لیدر که باقی قالانلر کندی اتخاب کرده سی عد اولمه بیلسون (۱) . « دییوردی

بو هیئت نزدنده دلیل قناعتی تشکیله اساس اولور و فقط بونلر دلیلک ظواهرینه اتباع ایتدکه مجبور بولونمازدی بونلر حضور لرند ایراد ایدیلان دلائلدن استنباط ایتدکلری قناعت وجدانیه لرینه کوره حکم ویررلر و بو حکمدن طولانی هیچ برکیمسه یه حساب ویرمک اضطرارنده بولونمازلردی . بناء علیه نظر لرند دلائلک قانوناً معین بر حکم و قوتی یوق ایدی . او حکم و قوت یالکز وجدانه باعث قناعت اولوب اولما مسنه منحصر ایدی و ایراد ایدیلان دلیل ظاهرده نه مرتبه قوتلی اولورسه اولسون وجدانلری ايجون باعث قناعت اولمدینی تقدیرده اودلیلک هیچ بر حکم و تأثیری اولمه مازدی . ایشه فرانسه هیئت مؤسسه ملیه سی اصول محاکمینی اصلاحه توسل ایتدکلری وقت نظر لرینی بو تأسیسه عطف ایتدیلر .

★ ★

۱۷۹۱ سنه سی هیئت مؤسسه ملیه سی ژوری اصولک قبول ایدیلوب ایدلمه سی بحثک مذاکره و مناقشه نه ایتدار ایتدی . بر جوق خطیلر ژوری لهنده اداره اسان ایدیلر . اعضادن برغاس « بوندن دها انسانی ؛ حریته دها موافق برتأسیس اوله ماز . « دییوردی . شاپرو اسمند بر ذات : « بزم یانی باشمزد مسمود و حر بر ملت تأسیسات عدلیه سیله

(۱) روح القوانين ۱۱ نجی کتاب ۳ صحیفه

مفتخر در و بزم مؤسسات عدلیه مزه کو ستردیکی طور استخفاف ایله کندولرینک کنگدن
دها ایوسنی وجوده کتیر مکمل کمزی امر ایتمکده در. باخصوص سعادت و حریت طریقی ایلك
دفعه اوله رق بزه اراؤه ایدن فیلسوفلریمز اولنلرک نور عرفاندن استفاده ایتدی کمزی
کورمک صورتیله غیرت و مساعیلرینک مکافاتنه نائل اوللی دکلیدرلر؟. دیدی. موسیو
دوبور « عقل و منطق و تاریخ بو تأسیسک قبولی آمردر » دیوردی. هرکس ژوری
فکرینک عدل و حقّه اک موافق بر فکر اولدیغی قبول ایتمش ایدی. برکونا اعتراضاته
اوغر اقمسزین مسائل جزائییه ده ژوری قبول ایلدی. مذاکرات مواد حقّه قیه نک مسائل
فعلیه بحثنده یعنی بر مسئله نک ثابت اولوب اولدیغی کیفیتنده دخی ژورینک قبولی لازم
کلوب کلیه چکنه انحصار ایتدی و نهایت یالکیز مسائل جزائییه منحصر اوله رق قبول ایلدی.
بو صورتله فرانسه ده ژوری تأسیس ایتمش ایدی و انکله ترده اولدیغی کی ایکی قسمه
منقسم ایدی بری اتهام ژوریسی، دیکری حکم ژوریسی ایدی.

ایمپراطورلق حکومتنده براره لق ناپولیون بعض ملاحظات سردیله ژورینک الغاسی
تصدیسنده بولوندی. مسئله شورای دولته و ایمپراطورک حضورنده مناقشه اولوندی.
اعضادان بر قسمی ژوری علمنده دور دراز تنقیدات سردیله رفع و الغاسی تکلیف
ایتدیلمر. فقط باشده موسیو بهرلیه بولوندوغی حالد شورای دولته براقچ اعضاسی یک
جدی بر صورتده مقابله ده بولودیلر و ژورینک بقاسنی التزام ایتدیلمر. ایمپراطور شورای
دولت هیئتنده کوردیکی تمایلاته و درمیان ایدیلان اسباب و مطالعاته نظراً فکرندن فراغت
ایتمک مجبوریتنده قالدی. بوندن بر ایکی سنه صکره واقع اولان ایکنجی بر تشبث دخی
یالکیز اتهام ژورینک الغاسیله نتیجه له نوب حکم ژوریسی تماماً و قطعاً فرانسه ده یرلشدی و بوندن
صکره تدریجاً همان ده بوتون اوروپایه انتشار ایلدی. بو کون جنایت دعوالرینک ژوری معرفتیله
روئی همان بوتون جهان مذیت اصول محاکمه لرینک اک بارز خطوط اساسیه سی تشکیل ایتمکده
و عدالت جنائییه نک لوازم قطعیه سندن عد اولونمقده در. عجبا بونک سبی نه در؟



بوسواله جواب و یرمزدن اول ژورینک ماهیتی حقنده براقچ سوز سولیه لم ژوری
دعای « جنائییه ده و جرائم سیاسیله ایله مطبوعات جرائمده فعلک ثبوت و عدمنه و فاعلک
مجرمیت و عدم مجرمیتنه حکم ایتمک اوزره متشکل واهالیدن مرآب بر هیئتدر. بو هیئتک

عمومی لیسته نك صورت تنظیمی هر مملكتنده مختلفدر (۱). وليسته ده کی مقدار اسامی هر موقعك ایجاباته و فوسه كوره آز و یا چوقدر. آلمانیا ده بر قضا دائره سنده اوتوز التیدن آشاخی اوله ماز.

اورر پاده جنایت محكمه سی نامیه دائمی التشكل بر محكمه موجوددكلدر. آنجق جنایت محكمه نك بر دوره انعقادی واردركه اونی استیناف رئیس اولی تعیین ایدرو اوقت استیناف محكمه سی اعضا سندن اوچ كیشی قضا محكمه لری دائره لر بی طولاشیرلر و بعضاً بونلر ایکی كیشی دخی اوله ییلورلر. قضا محكمه سی رئیس دخی آله رق اوچ كیشیلک بر محكمه تشکیل ایدرلر.

[۱] ژوری لیسته سی ابتداءً صلح حاکم لری تحت ریاستنده کی بر قومیسون تنظیم ایدر. بعض برلرده بولیته اون بش کون قدر تعلیق اولنه رق لیسته ده مندرج اشخاصه برکونا اعتراضات در میان ایدیلوب ایدلیه چکنه انتظار اولونور. و بوندن سوکره لیسته لر محكمه استینافه ارسال ایدیلور اوراده لیسته لره اعتراض ایدلش ایسه ندیق اولونور. و نهایت اوسنه ایچون قطعی لیسته لر تنظیم ایدیلور. بولیته لره ادخال ایدیله چك اشخاص هر محله سور مختلفه ده ترتیب ایدلش ایسه ده نمونه اولق اوزره ایثایاده ژوری لیسته سینه ادخال ایدیله چك اشخاصی کوسترمکی مناسب بولدم.

۸ حزیران ۱۸۷۴ تاریخلی قانون موجبجه ایثایاده ژوری لیسته سینه داخل اولق ایچون ایثالیان تابعیتده اولق و حقوق مدنی و سیاسیه سینه مالک بولونماقله برابر لاقول یکریمی بش یاشنی اکمال ایش و قام آلمش بش یاشنی تجاوز ایتمش اولق و صنوف و مسالک آتیه دن برهنه منسوب بولمقی لازمدر :

- ۱ — اولجه اعیانلق و معوثلق کی قوه تشریعه به داخل اولش بولونانلر.
- ۲ — اقاده می و یا فتون و ادبیات و صنایع جمیترلر نك اعضا می و یا اخباری و یا دارالفنون دوقترلری.
- ۳ — محاکم نرزنده کی محامیلر و وکیللر و نوترلر.
- ۴ — دارالفنون مآذونلری و لسانیه لری و بر مکتب سلطانی و یا اعدادیدن و یا بر مؤسسه فنیه دن بردارالمیلندن و حکومت طرفندن مصدق و یا مآذون علی الاطلاق هر هانکی بر مؤسسه خصوصیه دن دیلومه و یا شهادتنامه آلافلر.
- ۵ — دارالفنون شعباتی تشکیل ایدن فاكولته لك وسائر تحصیل عالی به مخصوص مؤسسات عمومیه نك بالفعل و یا فخری مدرسلری.
- ۶ — تحصیل اعدادی و یا رشدی و یا فنی به مخصوص مؤسسات همومیه نك و یا دارالمعلینك بالفعل و یا فخری معلملری.
- ۷ — صنایع فنییه اقاده می نك ، مهندس لر عملیات مکتبنك بری و بحری مكاتب عسکریه اقاده می و مؤسساتك بالفعل و یا فخری مدرسلری.
- ۸ — ۵ ، ۶ ، ۷ نجی رفلرده کوستریلان موادی تعلیمه مآذون خصوصی معلملر.
- ۹ — ۵ ، ۶ ، ۷ نجی رفلرده کوستریلان مؤسساتك رئیس لر و یا مدیرلری و معاونلری.

محکمه استیناف مدعی عمومی اصولاً بومحکمه نك مدعی عمومی در . بوذات كرك بالنفس وكرك معاونلرندن برنی هیئت ترفیق ایدرك وبعضاً قضا مدعی عمومی عین وظیفه ده استخدام ایلدرك حقوق عمومی بی تعقیب و هیئت اجتماعی بی تمیل ایدرك .

محاکمه جنائیه به ابتدار اولونق لازم کلسجه :

هیئت محکمه محاکمه سالوننده علناً انعقاد ایدرك مدعی عمومی نك و متهمك مواجهه سنده لیسته ده کی اسامینك قرعه طور به سندن آلمانیا ده یکر می درت وایتالیاده ارتوز کشینك اسملری چکیلور بونلردن كرك مدعی عمومی وكرك متهم آلمانیا ده بشر وایتالیاده سکز کیشی بی بر سبب در میانه حاجت اولقمسزین رد ایتك حقلری واردر . باقی قالان اون

- ۱۰ — ولایات مجلس اداره اعضالری ویا مذکور اعضالقه بولونمش اولانلر .
- ۱۱ — معاش سنوبی ایکی بیک فرانقندن ویا تخصیصات سوبه سی بیک فرانقندن آشاغی اولیان مأمورین و متقاعدین ملکیه وعسکریه .
- ۱۲ — فنی وادی ویا هرهانکی بر شعبه علومه متعلق اثر نشر ایدنلر .
- ۱۳ — صورت قانونیه ده مأذون مهندس لر ، معمار لر ، اراضی مهندس لر ، محاسب لر ، تصفیه مأمور لر ، اجزاجیلر ، بیطار لر .
- ۱۴ — بوتون ناحیه مدیر لر و اوچ بیکدن زیاده سکنه بی حاوی ناحیه نك . مجلس اعضالری .
- ۱۵ — قانوناً مصلح صفتی احراز الیش اولانلر .
- ۱۶ — زراعت تجارت وصنایع اوطه لر اعضالری وانشاآت بحریه مهندس لر و بائیلری ، اوزون سفر لر اجراسنه مأذون قبودانلر و قلاغوز لر و سیاحت ساحلیه بییده یه مأذونلر قبودانلر ، سفاین صاحب و مجهز لر ، صورت قانونیه ده اجرای صنعته مأذون صرافلر و دلال لر .
- ۱۷ — اصلاح زراعت هیئت وانجمنلرینك مدیر ویا ویشلری .
- ۱۸ — دولته طاینمش و صرکز لر الی بیکدن زیاد ، سکنه بی حاوی ناحیه لرده بولونمش اولان بانقه دیرکتور لر و مجلس اداره ریشلری .
- ۱۹ — اعتبار مؤسسه لر و سائر اداره اهلاییه نظارتله مکلف سند بقره لر و مراقبه اداره لرینك قومسیون اعضالری .
- ۲۰ — سنوی اوچ بیک فرانقندن دون معاش ویا بیک بشیوز فرانقندن دون تخصیصاتی اولیان ولایات ونواحی مأمور لر ویا مؤسسات خیریه واعباریه وتجاریه وصناعیه واقتصاد سندو قلری ، شمندو فر قومپانیه لر بحریه شرکتلری والحاصل دولته طاینمش بالجمله مؤسسات خصوصیه نزدنده کی مأمور لر .
- ۲۱ — انتخابات تشریفه ده حساب اولوندینی وجه ایله لاقل یوز بیک نفوسلی بر ناحیه ده ساکن اولانلردن اوچ یوز ولاقل الی بیک نفوسلی بر ناحیه ده اقامت ایدنلردن ایکی یوز و سائر نواحیه ساکن اولانلردن یوز فرانقندن دون اولماق اوزره خزینه دولته طوغریدن طوغری به تکالیف صورتیه ویرکو ویرنلر .

دورت ذاتدن اون ایکیسی بالفعل ژورمک ایتک اوزره وایکیسی اکال ژورمسی نامیله
محکمه دعوت اولونور بواکال ژورمسنک وظیفهسی شاید انشای محاکمه ژورم لردن
برسنک فوق العاده وناکمانی برسیب تحتنده برمانی ظهورنده مثلا بردنبره خسته لاندینی
تقدیرده محاکمینی تأخیره محل قالمق اوزره اونک مقامنه قائم اولقدر .

انکترده متهمک حق ردی دها واسع بر طرزده در و بالخاصه انکلیر ژورمسی
متهمک ساکن اولدینی محلدن اولسنه بک زیاده دقت اولونور . بوندن مقصدی متهمی
کندی بیلدکری قونو قومشولری معرفتله حکم ایتدیرمکدر . زیرا بونلر کرک متهمک
وکرک شاهدلرک اخلاق و طبعته هر کسدن زیاده واقف عد اولونور .
بوتلای حقیقه غایت طوغری و صوک درجه عادلانه در .

ژورمک روظیفه عمومی اجتماعیه اولق اعتباریله بلامعذرت دعوتیه اجابت ایتیانلر
ایچون جزا وارد . بواون ایکی ذات محکمه به کلهرک فلان شخص علیه توجیه ایدلمش اولان
اتهاماتده ژورمک وظیفهسی صادقانه ایضا ایدم جکنه وسوق وجداننه وقاعت صمیمیه سنه
کورم بیان رأی ایلیه جکنه الله قدیر و ذوالجلال حضورنده یمین ایدرلر . و محکمه هیئتک
ارقه طرفنده کندیلرینه مخصوص اولان موقعی اشغال ایلرلر . بونی متعاقب محاکمه
ایتدار اولونور . محکمه رئیس محاکمینی اداره ایدر . متهملری استجواب شهودی استماع
ودلائل استحصال ایلر و بصرده ظهور ایدم جک بالجمله حادثات قانونیه محکمه جه حل
اولونور . نهایت تحقیقات ختام بولدینی کی مدعی عمومی نتیجه مدطاسی و متهم مدافعاتی
ایراد ایدر .

ژوری هیئی بوتون بوتون تحقیقات و محاکماتی استماع ایدر . ایچلرندن بریسی
لزام کورور ایسه مبهم قالان و یا مظلم و ناقص کورینن جهتلری اکال و توضیح ایچون
رئیس محکمه واسطه سیله استیضاحاتده بولونور و نهایت محاکمه به ختام ویرلیدیکی کی
رئیس محکمه ژوری هیئته « متهم مجرمیدر ؟ مجرم ایسه اسباب مخففه وارمیدر ؟
کی بر طاقم سواللری محتوی بر ورقه تودیع ایدر . بوسوال ورقه سنک صورت
ترتیبده مدعی عمومی و متهمک حق مداخله سی وارد . بونلرک بیانات و مدعیاتی رئیس
طرفدن شایان قبول کورلرسه سوال ورقه سی محکمه معرفتله تنظیم ایتدیریلر بیلیر .

بونک اوزرینه ژوری محاکمه اوطه سنه چکیلور . اسمنه ایلک قرعه اصابت ایدن شخص

ویا ایچلرندن انتخاب ایده جکلری بر ذات ریاست وظیفه سنی ایفا ایلر . و مذا کره به ابتدار ایتمزدن اول ژوری رئیس فرانسده شو تعلیماتی قرائت ایدر : « قانون ژورمه لره قناعتلرینک اسبابی سوال ایتمز . و بر دلیک تمامیت و کفایتک صورت مخصوصهده تابع اوله جنی قواعدی تعیین ایلر . اولره تعیین ایلدیکی احکام کمال تأمل درون ایله و جمعیت خاطرله کندی کندیلرینه ایراد سوال ایتملری و متهم علیه ایراد ایدیلان و مدافعه درمیان اولونان دلائل کندی عقل و محاکمه لری اوزرنده نه تأثیر حاصل ایتدیکنی وجدان صافلرنده آراملیدر . ذاتاً بوعباره مذا کره سالوننک اک زیاده کوزه چارپان بر نقطه سنده جلی بر خط ایله لوحه حالتده معلقدر . و لوحه نك شو طرز تعلیق قانونک امر صریحنه مستددر .

بو تعلیماتک قرائتدن صکره مذا کره به ابتدار اولونور . هیئت نزدنده نه تحقیقات اوراقی نه ضبط نامه لر وارددر . بوتون بومراسم قانونیه ژورینک محاکمه علیه ده کی قناعتلرینه اساس اوله بیله جک و قایبی تثبیت ایچون موضوع اولوب بوقسه نفس دلیل حکمنده دکلددر . بونک ایچون انشای مذا کرهده اوراق تحقیقه دن هیچ ربینه مراجعت اولونماز . و انحق شفاهی بر محاکمه نك قارشولقلی بر مناقشه نك ، علی و وجاهی اوله رق سرد و ایراد ایدیلان ادله نك و بوا دله به قارشو درمیان اولونان دفعلرک کندی وجدانلرنده حاصل ایتدیکی تأثیر و قناعت اوزرینه اظهار افکار ایدر لر . مذا کره نك خسانه قدر ژوری هیئتندن هیچ بریمی خارجه اختلاط ایده مز و خارجدن هیچ بر کیمسه مذا کره سالوننه داخل اوله ماز . رئیس محکمه بوتجورد و عدم اختلاطی تأمین ایچون قانوناً بر ضابطه مانعه وظیفه سنی حائزدر . و بو وظیفه یی کمال دقتله ایفایه مأموردر . ژورینک افکاری اوزرنده خارجدن بر تأثیر حاصل اولماسی ایچون قانون بونی کمال بصیرتله تعیین ایتمشددر . مذا کرات نه قدر تمادی ایدر سه ایتسون هیئت سالوندن خارجه جیقماز .

مجرمیت حقننده کی قرار لر ثلثان اکثریت ارا ایله ویریلور . اون ایکی کیشیلک هیئتدن سکرزی مجرمیت رأینده بولونور ایسه مجرمیت تقریر ایتمش دیمکدر . مذا کره ختام بولدیغی و رأیلر تحصیل ایتدیکی کبی رئیس محکمه نك اولجه ویردیکی سوال ورقه سی قارشوسنه رأیلر ژوری رئیس طرفدن هیچ بر تفصیلاتی و بر کونا اسباب موجب یی حاوی اولمق سزین مالکیز « اوت » و یا « خیر » صورتنده یازیلور . یعنی « متهم مجرمیدر ؟ سوالی قارشوسنه مجرمیت رأیی حاصل اولمش ایسه « اوت » دنیلور . مجرمیه ثلثان اکثریت ارا حاصل

اولمیش ویاخود برائت رأی حاصل اولمش ایسه «خیر» دیه یازیلور. مجرمیت قرار ی
تحصل ایتمیش اولدینی تقدیرده ارتق دیگر سؤالره جواب ویرمه که حاجت قالمازو بالعکس
مجرمیت قرار ی تحصیل ایتمیش ایسه دیگر سؤالره کیلور و بونلرده یالکز اکثریت ارا
کفایت ایدر. تحصیل ایدن رأیله کوره بونلره دخی «اوت» ویا «خیر» جوابلری
یازیلور. ونهایت زوری هیئی محکمه سالوننه چیقار. هیئت محکمه حال انعقادده بولونور.
زوری ریئی محکمه سالوننده مواجهه عامده علناً وجهراً الله ذوالجلاله وناموس
ووجدانه یمین ایدرک زورینک رأی شودر دیر وسؤالره اونک حذاسنده کی جوابلری
جهراً قرائت ایدر. بونکله زورینک وظیفه سی ختام بولور.

زوری مجرمیت سؤالنه «خیر» جوابی ویرمش ایسه محکمه متهمک برائتی اعلان
ایدر. بالعکس اوت جوابی ویرمش ایسه یکیدن برحا که کشاد اولونور که ارتق بونک
زوری ایله علاقه سی یوقدر. و صرف مسائل قانونیه متعلق اولدینی ایچون یالکز هیئت
محکمه جه جریان ایدر. بو، تعیین جزا نقطه نظرندن برحا که در.

بوراده بخمزه تعلق اولماقنه برابر استطراداً بر نقطه مهمه ده جلب نظر دقت.
ایتمک اقتضا ایدر که اوده زورینک مجرمیت رأینه قارشى محکمه نك مجرم لهنده حائر
اولدینی بر صلاحیت فوق الداده سیدر. اساساً فعله وفاعلینه حکم ایتمک قضیه سی یعنی مسئله
فعلیه زوری به عائد بر صلاحیت اولوب بوکا هیچ بر قوتک مداخله و تعرضی متصور دکدر
شو قدر که مجرمیت رأی تحصیل ایتمیکی تقدیرده پک قطعی و مطلق اولان و غیر قابل
تعرض بولونان بوقاعده معصوملرک محافظه حقوقی فامنه عدالتک بوتون معناسیله جریان
ایتمی، افراد بشردن بری کناهک بر خطای عدلی به معروض قالدق نتیجه سندن مغدور
ومتالم اولماسی قصدیه بعض تعدیلاته اوضرا مشدر. متهم مجرم دکدر دنیلد کدن صکره
محکمه هر حاله برائت قرارینی اعلان ایتمک مجبور یتمده در. فقط متهم مجرمدر دنیلوبده
محکمه هیئتجه متهمک مجرم اولدینی قناعی تحصیل ایتمش و زورینک تقدیر دلائله خطابیه
دوشدیکی اکلاشلمش اولور ایسه محکمه ایشک یکی بر زوری به تودیعنه قرار ویره ییلور
ویکیدن تشکیل ایدیلان بو زوری هیئتجه نه رأی ویریلور ایسه انک ایجابی ایفا قیلینور.
قانونک مجرم لهنده هیئت محکمه به بخش ایلدیکی بر صلاحیت ملل فاضله و تتمدنه شارعلرینک
امر عدالتنه نه بویوک اهتمام کوستردکلرینک و فرد بشرک حقوقی نه مرتبه مراعاة ایله تلقی
ایتمک لرینک اک بارز دلیلی اولیق اعتباریه پک زیاده شایان ابتصار در.

اصول محاکمات جزائیه که حین اقتباسند بوتون بوا حکام باشند اشاعی تمامیه رفع
وطی اولومش ویرینه بشقه برشی دخی اقامه ایدیه مه مش اولدیغندن طولانی قانونک
بوتون روحی اخلاص ایدلمش و بویوزدن او قدر الیم او قدر فاجع نتایج حصوله کلمشدرکه
مملکت بر اصول محاکمه که بخش ایدیه جکی بالمله فوائده عدالتدن محروم و روح و معنایی
اکلاسیلمیان بر طاقم مشوش قاعده لک یا کلیش و جاهلانه تطبیقندن مغدور و مظلوم قالمشدر.
فقط بمحتمزی بورایه انتقال ایتدیرمزدن اول ژوری تأسیسینک نه دن طولانی امر عدالته
بر اساس قطعی اولدیغنی علمی بر صورتده تدقیق ایتک اقتضا ایدر.

★ ★

علمی بر صورتده تدقیقه کیریشیلنجه اکلاسیلمیرکه ژوری عدالت جائیه ده بر رکن
اصلیدر و جهان مدنیتک بوتأسیسه تمایلنده اصابت قطعیه واردر. واقعا ژورینک علم حقوق
ایله علاقه سی اولدیغندن و بونلرک رقت و مرحمت میلانلرندن، ضعف و نقصانلرندن
بحث ایله تنقید اولونماقده در. و بو تنقیدات اک جوق المان حقوق شناسلری طرفندن
ایراد ایدلمش و اک جوق المانیاده معارضه یه اوغرامش اولدیغنی حالده نهایت المانیاده دخی
همان اوچ ربع عصر دنبری تأسس ایتش و معارضه ایدنلر تأسیس مذکورک رجحان و فائیتنی
قبوله مجبور اولمشلردر مع هذا بو کون بیله بعض مسائل مناسبتیه اده صره ژوری بی تنقید
ایدنلر بونک یرینه دها عادلانه و دها مکمل بر تأسیس اقامه سی امکان و وساطتی کو سترمکدن
اظهار عجز ایتکده درلر.

فی الحقیقه ژوری نه در؟ وطنداشلرک عدالت جزائیه یه اشتراک لری، متهم علیه حکم
ایتمک حقنک اهالی یدینه تودیمیدر. چونکه اهالی مملکتلرنده ظهور ایدن حادثاتک شمول
و معنایی و فاعل دنیلان شخصک ماهیت و اخلاقی حاکمردن دها ای ادراک ایدرلر
و بوفعله و فاعله حکم ایتک حاکمردن دها ای صالحدرلر. بونلر طرفندن صدور ایدن
حکملر فرد مملکته قارشى بالذات اهالی مملکتک عدالتیدر.

واقعا علم حقوقدن بهره دار دکدرلر. فقط بوکا لزومده یوقدر. چونکه ژوری نقاط
حقوقیه حکم ویرمن. یالکز دعوانک بر قسمنه حاکدر. صلاحیتی یالکز جرمک
وجودینه و فاعلک مجرمیتیه رأی ویرمکه منحصردر. حقوق و قانونه تعلق ایدن مسئله لره
قاریشماز. بونک ایچون ژوریده نه علم حقوقه نده عالی بر تحصیل احتیاج واردر. اونلرده

حقیقتک دلائلی ادراک ایدہ جک علی العادہ و متوسط بر ذکا ؛ حقیقتی خطادن تفریق ایلہ جک متوسط برووقوف ، اعمال فکرہ مساعد ایدہ جک قدر علی العادہ بر تحصیل و کوزلری اوکنده جریان ایدہ جک احوال و وقایعی تمیز و تقدیرہ مساعد بر حسن اخلاق کفایت ایدر .

بورادہ تدقیقات نظریہ و قانونیہ یوقدر . حق کشف حقیقت ایچون برکونا استطلاعات و تفحصات دخی یوقدر . زیرا مسائل قانونیہ حا کملر طرفندن حل اولونور و اظهار حقیقت ایچون واقع اوله جق تفحصات و تحقیقات ینہ حا کملر طرفندن یاییلور ، اونلرک وظیفہ سی کوزلری اوکنده جریان ایدن شو احوالہ ، شو وقایعہ نظراً فلان آدم شوایشی یایمشیدر یا پاماشمیدر بونی بیان ایتمکدر . حضور لرندہ جریان ایدن محاکمہ بوتون وقایعی تنور ایدر و مناقشات و مرافعات ، مدعیات و مدافعات بوتون مسائلی تلخیص و ایضاح ایلر . زوری هر طرفدن منور بر طریق اوزرنده یورور . اونلرک کوزلری اوکنده دعوانک هر طرفی یوقلانمش ، هر صفحه سی آچیلمشدر ؛ قاپالی و مبهم هیچ برشی براقلمامشدر . اونلرک عہدہ سنہ دوشہن شی بو تحقیقات علنیہ نک نتایجی بیان ایتمکدر . و بویله بر بیان ایچون علی العادہ بر ذکا کفایت ایدر . علی العادہ بر کورکو ایلہ مترافق بر وجدان سلیم بو وظیفہ یی ابقایہ بالغاً مبالغ کافیدر .

مسائل قانونیہ مقررات محاکمہ اطراد و انسجامی استلزام ایدر . قوہ عدلیہ نک تقوذ و اعتباری معاملہ نک اطرا ندہ در . بعض قواعدک یکدیگر ینہ نمائل و یاعینی نوعدن اولان حادثاتہ عینی صورتلہ تطبیقی اونلرہ کوسہ تریلہ جک اعتمادک شریطہ اصلیه سیدر . عینی مسائلہ و یا مسائل نمائلہ قانونک مطرداً تطبیقی محکمہ لرده بر اجتهاد تأسیس ایدر . و حا کملر بونی محافظہ ایلہ مکلفدرلر . بواجتهادک اطرا دی حا کملرک بیطرفلنک الک بارز تأمیناتیدر . زیرا اونلرہ تعقیب ایدہ جککاری یوللری اولدن چیزر و اوندن انحراف ایتدکہ مساعدہ ایتمز . کندیسق بونوع قواعدلہ مقید طوتمایان حا کملک حکمی کفیدر و عینی شکلده کی دعوالری مختلف اولچولرلہ طارتمش دیمکدر . بناء علیہ بواعیاد حکامک الک یوکسک اوصافی تشکیل ایدر ؛ و حا کملر بواعیادی تماماً تعقیبہ مجبوردرلر . فقط حقوق نقطہ نظرندن غایت قیمتدار اولان بواعیاد افعال جرمیہ یہ ، واقعات و حادثاتہ تعلق ایدنجه غیر مفید و حتی مضر و مہلک اولور .

حقوقه تعلق ایدن قضیه لر عینی شکله حل و حکم ایدمک لازمدر . زیرا اجتهادک ثابت و معطرد اولوشی اوکا قانونیت نفوذ و قوتی ویرر؛ و کیفی تفسیرانی غیر ممکن قیله ذق بوتون حکملره صارصیلماز بر تمل تشکیل ایدر . لکن مسائل فعلیه بویه دکلددر . افعال عدیده عینی طبیعتی حائز اولسه و حتی عینی احوال و ظروف ایچنده و نوعیولسه دخی هیچ بر و قتده تماماً یکدیگرینک عینی اوله ماز . کرک عناصر ماده یی اعتباریه و کرک فاعلک سنی ، تربیه سی ، حال و موقعی ، قصد و مرامی اعتباریه یکدیگرندن فرقی اولور . بونلری بر برندن تفریق ایدن درجات بی حد و نهایتدر . بونلر افعالک بر طاقم آناتیدر که هر برینک ضبط و تفریق اولونماسی لازم کلیر . عدالت جمعیت بونلری احاطه ایده منر بوتون اینجه لکریله اولجه منرسه عدالت اولق نام و اعتبارینی غائب ایدر . حقیقت و بناء علیه عدالت بوتون بو آناتک فرق و تمیزندهدر .

حقوقه حکم ایتمک صالح اولان حاکمک بومسائل فعلیه یی تقدیره صلاحیتلری شبهه لیدر . زیرا اوراده بونلرک نفوذ و قوتی تشکیل ایدن و کندیلرینه باعث امن و اعتماد اولان اوصاف بوراده کندیلری ایچون موجب ضعف اولور . بونلر حکملرینی عمومی و مقرر بر اجتهاد اوزرینه تأسیس ایتمک آلیشقیین اولدقلری ایچون افعال و حادثاتده پرده پرده آجیلان آنانی فرق و تمیزه اهتمام ایتمزلر و بالعکس بونلری تفریق و تمیزه قالدیشمق مقرر و مؤسس اجتهادلرندن انحرافی موجب اولق صورتیه کندیلری ایچون باعث ظن و شبهه اوله جنی ذهانبنده بولونورلر . بناءً علیه قرارلرینی عمومی حاله قلب ایدرک مسائل مماثله به تشمیل ایتمک و قاعده لر تأسیس ایدرک اونلردن آیرلامق ، افعال و حادثاتی شکل خارجیلری اعتباریه تصنیف ایتمک ، بونلری کنسیدی ماهیتلریله دکل نوعلری اعتباریه بر تلقی به تابع طوتمق ، مجرمک شخصندن زیاده فاعلی نظردقته آلمق ، عینی حکمی آکا مائل و آکا قریب بالجمله افعاله تشمیل ایتمک اعتیاد علمیسندن بونلرک تجریدی ممکن دکلددر .

مع هذا بو حال علی التوالی جریان ایدن محاکماتده کی بییقینلک طولغونلغک بر نتیجه سیدر بو طولغونلغک اونلرک نظرنده مجرمده کی علامات فارقه خصوصیه یی کیده ریر و بوتون مهملری عمومی بر شکل آلتنده کوسترر .

ژوریلر عینی حال و موقعده دکلددرلر . اونلر کندیلری ایچون آلیشلمش ، اعتیاد

ایدلش بر فکر ایله بر اجتهاد ایله مشبوع اوله رق کلزلر . ویره جکلی رأیده کندیلرینی مقید قیله حق بر رأی متقدملری ، بر اجتهاد مؤسسلی یوقدر . کوکشمش بر اجتهاددن انحراف ایلك خوف و تخائسی خاطرینه کلز . اونلر حضورلرنده جریان ایدن وقایعی کورورلر . بو وقایعک اونلرک فکرنده فلان حکمه اساس اتخاذا اولونان وقایعه بر منا-بتی یوقدر . نه قدر عالی اولورسه اولسون بالجه افکار راسخه دن قواعد علمیه دن آزاده و حر اوله رق یالکز عقل و محاکمه لرینه مراجعت ایدرلر ، و تفهیم ایده جکلی حکمی یالکز وجدانلرنده آرارلر .

حاکم بلکده علم حقوقه واقف ، صاحب تدقیق ؛ عالی بر تحصیل ، عمیق بر نفوذ نظره اشیا و اشخاص حقنه درین بر معلوماته مالکدرلر . بو اوصاف عالیله شبهه سز ژوریلرده ناقص و یا غیر موجود اوله بیلور . نه باس وار ؟ بوراده نه بو علمه نه بو تحصیل محتاج اولمایان بر تقدیر مسئله سی واردرکه حاکمک اوکا صالح اولملری شبهه لیدر . ژوریدن ده مطلوب اولان شی علی العاده بر ذکا ، متوسط برو قوف ، علی العاده بر تحصیلده فعلی تقدیر ایچون بو علی العاده ذکا علم وقته مرجحدر . بو متوسط ادراک ، بو عادی تحصیل یوکسک درجه ده بر احاطه یه ووقوفه فائقدر . حکامک یالکز نوعی کورمه که بو نوع ایچینده کی افراد خاص اولان شئون و کیفیاتدن اغماض عین ایتمک آیشمش اولان افکارینک قواعدله مشبوع اولمی تلمک سی بونده یوقدر .

اعتیادک افکار اوزرنده کی تاثیراتی کیم انکار ایده بیلور ؟ هر کون یاپیلان برایشک روحده کی حرارت و مقاومتی سوندیردیکی قابل انکار اوله بیلورمی ؟ طبیعت بشریه ده بو غریب بر حالتدرکه هر کون انسان عینی شیهه اوغراشدیجه بر ببقینلق اوصانجلق کلیر . لایق قطع تکرر و توالی ایدن افعال وجدانک تیقظ و بصیرتی کورله تیر . یواش یواش هر کون بر صورتله یالاندن معصومیت ادعاری ، بیکناهلق قومدیلمی ، بداهتی انکار ایدن مجرملر ، حیا سز حسسز فاعللر کوره کوره حاکم کندیلری ده فرقنده اولماق مزین حضورلرینه کلن بوتون مهملری بر اخلاق سزلق و مجرمیت هوا سیله محاط اوله رق کورورلر ؛ و اونلر حقنده زهنلرنده ده حاکمیه شروع ایتمزدن اول بر قرینه مجرمیت تحصیل و ترسم ایدر کیدر . حاکمیه بو فکرایله مشبوع اوله رق کیررلر . بویله جه اونلرک فعللرنده کی ، اخلاقلرنده کی آنانی تمیز ایده جک نورادراک و بصیرت کورله شیر . بویله جه

جرمیتدها بیدایه قناعت ایدرجه سنه ایشه باشلانیر واک صاف و صحیح اولان معصومیت ادعای وجدانلرنده بر اثر براقاز، بالعکس اک اهمیتسن شیر نظرلرنده براماره قوی احراز ایدرلر.

متبادیاً مجرملرله مشغول اولوق واونلره حکم ایتک اعتیادی حاکمکرده حسن انسانیتی دخی دوچار ضعف ایدر؛ وجدانی قاتیلشدیرر؛ رقت و مرحمتی ازاله ایدر. جرمه سائق اولان و مجرم ایچون مدار عفو و تخفیف اولسی طبعی بولونان اسباب مغنویه اوسرت و کورلشمش وجدانه نفوذ ایده من. حالبوکه حکم ایتک ایچون قلب انسانییه نفوذ ایتکی، اونک درینلکلرینی یوقلاملی، فاعلک ضعف و احتراصاتی تحری ایتلیدر. بر جنایت یالکز آثار و نتایجله موازنه اولنه جق بر فعل مادی دکلدر. بوبر فعل اخلاقیدرکه اسباب تولدینی، اسباب انکشافی اراملی و سیرینی تعقیب ایتلیدر. فاعلک بوعملیه وجدانیسنه یابانجی قالینیر ایه، یایمق ایله یایماق آراسنده کی ترددرله مناقشه لره جدالره؛ سوق احتراصاته قارشو کوستردیکو مقاومت و نهایت بومقاومتک سقوط وانکسارینه وبوسقوط وانکسارک اسباب مادیه و مغنویه سنه هیچ بردقت عطف ایدلمز سنه ویریان حکم حکمی اولور؟

حاکمکر بوکا دقت ایتزلر؛ وطبیعه ایده مزلر. اونلر جمعیتی افساد ایدن عناصری محبسره طبعمه قله جمعیتی تصفیه ایتک ذهانبده بولونورلر. قانونی اخلاک ایتش اولانلره جزا ویرمک صورتیله وظیفه لرینی ایفا ایتش عد ایدرلر.

ژوری جمعیتک بوتون صنوقدن انتخاب ایدلمش، شورش و فساد عناصرینک قرب وجوارنده بولونمش اولدقلری ایچون بوعناصرک جمعیه ایراث ایتدکلری وایده جکلری مضرت درجاتی دهایی ادراک ایدرلر. اونلر بوتون قواعد علمیه دن، اطراد تطبیقدن آزاده اوله رق افعالی کندی وجدانلریله تقدیر ایدرلر. بوراده وجدان بشر ایله وجدان حکام آراسنده برفرق محسوس اولماز. اونلر ایچون حکم ایتک وظیفه سی اعتیاد ایله حرکت صورتنده حسسنر و جانسنر بر ماکنه حالنده واقع اولماز. قلبلری حاکمکر قلبی کبی کسب قسوت ایتک و یا هیچ اولماز سنه حساسیتینی غائب ایتش اولوق قورقوسی بولونماز. اونلر صورت طبیعیه ده وروحلرینک بوتون حساسیتیه قناعت صمیمیه لرینک میلانی تعقیب ایدرلر.

وقبله زورى به الك چوق اعتراضاتده بولونان آلمان حقوق شناسلى دىرلردى كه :
 « زورينك قرارلرينه اساس اتخاذايتدىكى بوقاعت صميميه بشر حكملرينك الك تهلكه ليسيدر .
 حاكمك فكر ورأيلرى بعض قاعده نره دستورلره تابع طومقله وحكمملرينك مستند
 اولدىنى اسباب موجه يي كوسترمكك مكلف ايكن زوريلرك بوتون دلائل قانونيه دن حر
 وآزاده اولملى وباجمله قواعد حقوقيه دن تجريد ايدملرى پك غريب برشيدر . » بوكا
 جواب ويرنلر ايسه شو يولده اداره لسان ايدىيوردى :

« دليل معنوى قناعت صميميه دن استنباط ايديلان دليلدر . مواد جزائيه ده حقيقتك
 الك زياده اميتله ايصال ايدن يكانه دليل بودر . دليل قانونى مسائل حقوقيه نقطه نظرندن
 موجب فائده در چونكه بومسائلك طبيعت وماهيتى ديكرندن پك چوق فرقليدر . لكن
 مسائل جزائيه ده دليل قانونى عدالتى غير واضح ومغفل برنور ايله تنوير ايدرو داوما اضلال
 واغفال ايدم ييلور . اصول محاكمه نك بوتون مراسم واشكالندن غايه نه در ؟ تحرى
 حقيقت دكلى ؟ اوحالده بر فعلك حقيقتنى يقين ايتمه نك يكانه واسطه سى نه در ؟ اوفعلك
 وجود وعدمه انسانك كندى وجداننده حاصل ايلان قناعت و يقيندن باشقه نه اوله .
 پيلور ؟ عدالتك ينه نفس انسانيدن باشقه برواسطه سى بر آلتى وارميدر ؟ اوحالده انسان
 ادارك عدالتك فصل واصل اولور ؟ حادثات ووقايع ايسسته ديكى كى تلقى ايدن كندى
 ذكاسيله واونى تدقيق وتقدير ايدن وجدان ايله دكلسه نه ايله اولور . شو حالده بو يقينى
 حاكمك حس صميميسنده وقناعت وجدانيه سنده آرامليدر . يوقسه قانوناً معين و قيمتى
 اولجه مقدر دلائل يارديميله حادثاتدن استدالات علميه ايله دكل . ايمدى زورى تأسيسى
 حقوق جزائيه دستورلريله ، مرافعاتك شفاهيتك خاص اولان سيستميله الك زياده هم
 آهنگ و اظهار حقيقت ايجون الك مؤثر بر تأسيسدر .

بركونا منفعتله شائبه دار اولمايان ، بركونا احتراصاتله تشويش ايديليان ؛ هردرلواعتياداتك
 تأثير باردندن مصرون و هردرلو خوف وانديشه دن عالى اوله رق ساده جه افاده ايديلان
 قناعتدن ده بويوك برافاده حقيقت اولورمى ؟ ... » (۱)

تاريخ بوجوابك اصابتى صورت قطعيده تايد ايتدى ؛ واك بويوك جوابى كنديسى
 و برمش اولدى . زيرا آلمان حقوق شناسلى چوق كچمه دن زورى يي آلمان ياده تأسيس
 ايتك اضطرارنده قالدى . بوكون آلمان عدالت جزائيه نك قمل طاشنى تشكىل ايتكمده در .

عدالت جزائیہ انتظام عمومینک و حریت مدنیہ نک اساس و بنیادیدر . کړک قوۀ اجتماعیہ نک و کړک افرادک محفوظیت حق و منفعتی ایچون عدالتک قوی و متین اولماسی هر درلو تاثیردن مصون، تزلزل ناپذیر اولماسی لازمدر . هیچ برکیمسه عدالتک جریانہ مأمور اولانلرک استقلاله و بیطرفلغہ تعرض ایدہ مه مسی و حتی بونک اخلال ایدیہ بیلہ جکندن شبهہ دخی دوشه مه مسی لازمدر . حال بوکہ نه قدر بوکک اولورسه اولون دائمی حاکمردن متشکل اولان محکمہ لر بوشرائطی جامع اوله مازلر . قدرت حکومتک نفوذ و تأثیرینه قارشى افرادک محافظه حق و منفعتی بولنده بر سبر وظيفه سنی کوره مزلر . او قدر تک حاکمیت و جبروتنه قارشى افراد ایچون کافی درجه ده امین بر استنادکاه اوله مازلر . قدرت حکومتله منصوب و او قدرته مفتقر اولان بوشاکمکر حکم لرینک عمومیتله مظهر حسن قبول اوله بیلمسى و حریت افرادک مصون التعرض قالمسى و افرادک سعادت و حیاتی بلا پروا کندیلرینه تودیع ایدہ بیلمسى ایچون کافی درجه ده براعماد حاصل ایدہ مزلر .

بونلرک لایعزل لیکلری دخی هیچ بروقت بر تأمینات قطعیه تشکیل ایدہ مزلر . زیرا او قدرت بعضاً لایعزل لک قاعده سنی اخلاله دخی مساعددر ، و بوقاعده بی اخلال ایتمکیزین حاکم لری تحت نفوذ و تأثیرده بولوندر مق و سائطنه مالکدر . استقلال افکارینی محافظه ایدن و هر درلو تأثیر و نفوذ قارشى طوران بر حاکمک دها بوکک فقط قابل عزل بر موقعه کتیرلمسینه و او موقعدن بردنبه ده ورلمسینه کیمسه مانع اوله ماز . باخصوص بونلرینه قدرت حکومته مربوط مأمور لر اولدقلری ایچون مسلک لرنده فیض و ترقی ایدہ بیلملری او قدرت حکومتک مظهر توجہی ارمالرینه وابسته در و بوتوجه افتقار ایسه استقلال و بیطرفیلری اوزرنده اک بویوک سوء تأثیرى یابار . بناءً علیه حکومته مربوط اولان بر قوۀ حاکمه عدالت جزائیہ ده افرادک حمایت حقوقي نامنه لایتزلزل بر صلابت و متانتی حائر اوله ماز .

حالبوکہ ژورینک قدرت حکومتله بر کونا علاقه و ارتباطی یوقدر . بونلر سربست مساعی اربابندن حروسر بست آدم لردر . بونلر نه حکومتک نفوذ و اقتدارندن تخفایشی نه حکومت و رجالک میلان و توجهندن استفاده ایدجک آدم لردکلدر . بونلر وطنداشلرندن قباحتی عد ایدی لان برینک حقیقه بر جرم و کناهی اولوب اولدیقنه حکم ایتمک ایچون دعوت ایدی لان وطنداشلردر . بونلر قونو قومشودن طوبلاشم منہم دنیلان

شخصك ايولكنى كوتولكنى بيلير عادتاً برعائله مجلسى در كه افراد عائله لرندن برينه اسناد اولوفان
 فعلى حقيقه يابوب يابديغنى ويايغنه مستعد اولوب اولديغنى تدقيق و حكم ايدرلر. و بونى
 تدقيق و حكم ايدركن هيچ بر نفوذ و تاثيره ، هيچ بر خوف و اجتنابه ، هيچ بر امل
 و مقصده تابع اولماق سزىن يالكز وجدانلرينه يالكز قناعت صميميه لرينه مراجعت ايدرلر؛
 و روح لرندن يوكسه لن وجدانلرندن صدور ايدن صدای حق و عدله تابع اوله رق
 رايلىرى و برلر. قدرت حكومت بوراده عاجز و عاطلدر ، اوقدرتك بويوك نفوذى
 بودائرة محرمته كبره من. بوراده اجراى حكم و نفوذ ايدن يالكز الهام عدل و حقدرد.
 و بوالهام عدل و حقت حريت افراد اوزرسنه تاثيرى لايتغيردر. بوراده عدالت بوتون
 صلاحيله بوتون متاقيله جريان ايدر. حيات جمعيت عدالتك صلاحيله نه مرتبه محتاجدر ؟
 زورينك ديكر بر فائده عمليه سي ده ناقابل اضلال و اغفال اولوشيدر. و عدالت جنايئه نك
 هر درلو دليل قانونى قييداندن آزاده اوله رق جريان ايتيمى عصرلرك توليد ايتديكى بر
 تكامل علمى نتيجه سي اولديغندن بو عدالتك سلامت جريانى مسائل فعليله نك تقديره
 ترك ايدمليه قابل اوله جنى بوكون مسلمدر. تقدير ايسه محكمه تميزك مراقبه سنه غير
 تابع و مستقل اولدينى ايجون بو مسائل فعليله متعلق اولان قرارلر قطعى ولايتغير عدالتمق
 لازم كابر. بويله قطعى قرارلر اخلاقيه صالح اولان بر هيئت ايسه كيملردن متشكل اولدينى
 دواملى بر صورتده معلوم اولونجه با خصوص بزم مملكت سزكى اخلاقاً پك ده يوكسه لمه مش
 اولان يرلرده بونلرك اضلال و اغفال ايدلمسى انديشه سي وارد اولور. حالبوكه زورى
 هيئي ايجون بوانديشه خاطره بيله كله من. زير بر دعوى ايجون تشكىل ايدم جك زورى
 اولجه معلوم اوله ماز. آنجق اودعوانك محاكمه سزك كشادى كوني اسملرينه قرعه
 كشيدم بيله تمين ايدر و اوكون محاكمه دعوت اولونور. محاكمه بلافاصله ، بلا انقطاع
 حتماً دوام ايدر. همان مذاكره اوطه سنه كي ريلور و بلافاصله مذاكره دوام اولونور.
 زورى محاكمه كشاندن اعتباراً كيمسه ايله كوروشمكه وقت بوله ماز ، كيمسه ايله
 اختلاط ايدم من. بناء عليه بونلر طرفندن و بيله جك رايك هر درلو اضلال و اغفال
 انديشه سندن آزاده اوله رق و برلر اولمسنده كيمسه تردد ايدم من.

مسائل قانونيه ايسه محكمه تميزك مراقبه سنه تابع اولدينى ايجون محكمه لرحه قانونك
 يا كلس تطبيق ايدلمسى هيچ بر كيمسه نظر ندر. باعث انديشه اوله ماز. بناء عليه زورينك

وجودی بر مملکتک حکامنه قارشی وارد اوله بیله جک شهبه لری دخی ازاله ایتک صورتیه هم عدالتک بوتون دوشونجه لر فوقنده سلامت جریانی تأمین هم ده مملکت حکامنه قارشی افکار عامه یی تطمین ایتش اولور .



ژوری فصلنک اصول جزائیه دن طی ایدلمسیله مملکت مزده تطبیقانه حصوله کلن نتایج وخیمه به کلسجه بونی اوج نقطه نظر دن تدقیق ایتک اقتضا ایدر :

۱ محکمه لرحه عند التطبيقات واقع اولان صورت تلقی .

۲ اهالینک افکار و اخلاقی اوزرنده حاصل ایتدیکی تأثیر .

۳ اداره عدلیه جه و محکمه تمیزجه حاصل اولان فکر و نظر .

برنجی نقطه نظر دن قانون مذکورک حین نشر نده اصول و حقوقه واقف ذواتک یک نادر اولدیفنی والیوم بوندرتک مع التأسف دوام ایتکده بولوندیفنی اول امرده اعتراف ایتک اقتضا ایدر . اصول جزائیه قانوننک نشریه مملکتسده بر انقلاب مدنی وجوده کتیرلمش دیمک اولدیفندن بوانقلابک روح و معنایی قانونی تطبیقه مأمور اولانلره بحق افهام ایتک ایچون هر شیدن اصول جزائیه ده کی روح و غایه یی بر تعلیمات عمومیه ایله شرح و ایضاح ایتک اقتضا ایدردی . حالبوکه قانونی نشر ایدنلر اوندی مندرج اولان غایه علیانی فرق و ادارک ایده جک مرتبه ده اصول و حقوقه واقف دکل ایدیلر . قالدی که قانونک بوتون قواعد و مراسمنک متوجه اولدیفنی غایه ژوری فصلنک اورته دن قالدیرلمسیله تماماً غایب ایدلمش ، قانونک بوتون روحی اساسندن اخلاص اولونمش ایدی . بناءً علیه هر درلو رهبردن ؛ خط حرکتلری ، هدفلری تعیین ایده جک وضوحدن محروم اوله رقی قانون مذکور ی تطبیق ایچون ایتک اللربنه آلان حکام بوندن یکی برشی آکلامدیلر . بر انقلاب اجتماعی و مدنی وجود بولدیغنه دایر بر فکر دخی ایدینه مدیلر . دلیللرک قیمت و ماهیتی حقنده فکر و نظرلری یورمغه بیله لزوم کورمدیلر . اوراده بونلرک آکلاقلری برشی وار ایدیه محاکمک یکی بر طرز تشکیله مدعی عمومیلک تشکیلاتی و مهمک حق مدافعه سی مدافعه نک علنی و مهم تزدنده بر وکیل مدافع بولوندیرلمسی ایدی . بونلرک ده بویوک برشی استدلال ایتدیلر . حتی بر نوع استخفاف ایله تلقی ایتدیلر . چونکه مبادی تطبیقه ده

اولدینی کی الیوم دخی بوتأسیانندن هیچ برسی قانونک روح و مقصدینه موافق اوله رق بحق اجرای وظیفه ایدمه مکده در. هله مدافعه و کالتک سبب وجودی ژورینک وجودیه قائم اولوب ژوری موجود اولدقجه تأسیس مذکور دن بر فائده متصور اولدینی بدیی ایکن بوتک اقامی بر قاریقا توردن بشقه برشی افاده ایتوردی.

ایشته بو ذهنیتله تطبیقه باشلانیلان قانون دها ایلك كوندن مجرای سالفی غائب ایتدی. دلیللك قیمت و قوتندن یخبر، استحصال دلائلك طرز و صورتندن غافل و ایراد ایدیلان ادله نك تنقید و تدقیقندن عاجز و انحق نصاب شهادت فکر و حسیه مشبوع اولان حکام اوکنده نیجه بیکلرجه معصوملر اثبات معصومیه میدان بولماق مزین مظلوماً و مقهوراً محکوم اولمق بدبختننده بولوندیله.

هله بوتلك اك قاضی حکام علیهنده حاصل اولان سوء ظن ایدی. بعض حا کملرك ویردیکی سوء مثال نتیجه سی اوله رق نظارت عدلیه حکام علیهنده حسن ظن پرورده ایدمه مدی؛ اصول جزائیه نك بعض مواد و فقراتندن واره صره واقع اولان اوفق تفك نشریات ایله مكتب حقوق تدریساتندن قناعت وجدانیه مسئله سی استدلال ایدلمکک باشلا تچه بعض حا کملر تقدیر و تنقید دلائله کیریشه رك مهم علیهنده ظاهرأ شهادات و دلائل موجود اولماسنه رغماً برأت حکمی ویردیله. بودفعه اداره عدلیه دلائل قانونیه نك وجودینه رغماً برأت قراری ویرلایکندن و بوده اخذ رشوته و وظیفه سی سوء استعماله دلات ایتدیکنندن بچمله حا کملر علیهنده تعقیباته باشلادی. حا کملرك تحت محاکمه آلمی کیفیتی کوندن کونه تزايد ایتدی. حا کملر ایسه بو حاله باقهرق سندی عالیه رنده سوء ظن تولید ایتهمک قصدیه اك اوفق اك اهمیتسز و جزوی بر تنقید ایله بیقلما سی قابل دلائله استاداً مجرمیت قرارلری ویرمکک باشلادیله.

برآره لق تحقیقات حکام نك تقدیر دلائل دن محرومیتی نظریه سی میدانه قونولدی. بو نظریه نك ترمه دن چیقارلایقی و نصل میدان الدیفی ادارك ایتک عذیم الامکاندر. فقط نتایج و تأثیراتی اعتباریه اوقدر الیم و فاجع بر حال حصوله کلمشدرکک بو نظریه یوزندن هدر اولان معصوملر و بیقلان خائنلرك حد و حسابی یوقدر. تحقیقات حکام نك وظیفه سی مظلون علیه لهنده و علیهنده موجود اولان بالجمله دلائل جمع ایتک و کندیسنی جنایت محکمه سی حضورینه سوق ایدمکک درجه ده قوتلی دلائل کافیه بولونوب بولونمادیقی

تقدیر اتمکدن عبارت ایکن بوحاکم و وظیفه لرینی اول امرده ادرا کدن غافل بولوندیله .
 یالکیز مظنون علیک فاعل اولدینی اثبات ایده جک دلائل تحریسیله کندیلرینی مکلف
 بیلدیله . فاعل دنیلان شخصک معصومیتی مثبت اوله جق قرائن و دلائلی جمع واستحصال
 ایتمکی خاطر لرینه بیله کتیرمدیلر . ایکنجی درجه ده اداره عدلیه قانونک دلیل تعیندن
 یالکیز امارات و قرائن قصد ایدیش اولدینی و شهادتک تقدیری قضیه سی محکمه یه صند
 بولوندینی ذهانی میدانه جیقاردی . بوندن شونتیجه حاصل اولدی که یالان شاهده
 اولدینی اک بارز بر صورتده معلوم و آشکار اولان ایکی کیشی مظنون علیه حقنده شهادتده
 بولوندینی کی تحقیقات حکامی مظنون علیک اتهامنه قرار ویرمک مجبوریتده قالدی و جنایتلرده
 بهمه حال توقیف قرار ی اعطا اتمک اصولی بونی اکال ایدرک محاکم جناییه توقیفخانه لری
 متهملرله طولدیرلدی . حالبوکه متهملرک قسم اعظمی شو یا کلش تطبیقاتک قربانی اولمش
 معصوملردن عبارت ایدی و الحاله هذه اوله در . اداره عدلیه اکلامدی که قانونک دلیل
 تعیری فرانسزجه نک *peuve* کلمه سی مقابلی اولوب بوکله ایسه امارات و قرائن و شهادتک
 هیئت مجموعه سنه شامل بر اصطلاح عدلیدر و بونلرک قوت و قدرتی بیننده قانون اصلا فرق
 کوزه تمز و جمله سی قاعا و وجدانیه مسئله سنده جمع ایدر .

بویله جه تحقیقات حکامی تقدیر دلائلدن عاجز ، حکم حکامی قاعا و وجدانیه لرینی
 اظهاردن محروم اوله رق افراد ملتک حقوق معصومه سی یا کلش بر یوله صامش عدالتک
 جریان سقیمی اوکنده هدر اولوب کیتمکده در .

هرشیدن اول بر اصول محاکمه ارباب عفت و ناموسک کنديسنه اسناد ایلان فعللرده
 معصومیتنی اظهار و اثباته کافل اوله جق تأمینات قانونیه یی حائز اولمق لازم کلیرایکن و قانونک
 روح و مقصدی دخی بو غایه علیایه وصولی تأمین ایده جک تداییر ، محتوی ایکن یا کلش
 تلقیلر یوزندن بویله بر اصول محاکمه نک بخش ایده جکی عدالت بو صورته محو وازاله
 ایدلمکده در .

۲ اهالی بر اصول محاکمه نک حقوق افراده بخش ایده جکی تأمینات و فوائددن اصلا
 خبردار اولمادی . بونلر بر انقلاب اجتماعی و مدنییه داخل اولدقلرینک فرقه بیله وارمادیله .
 بر طاقم یکی یکی تشکیلات وجوده کلدی ؛ اولجه بیلمه دکلری بر چوق شیلری کوردیلر .
 فقط هیچ بریسی کندیلرینک حال مدنی و رفاه اجتماعیلرینه یارديم ایتدی . بالعکس یکی
 اصول تعدیلرله بیتاب اولدیله ؛ یکی تشکیلاتک یکی ظلملرله مقهور و پریشان قالدیلر .

بو حال اخلاقاً بویوک سقوطی موجب اولدی . منطقک ، ایجابات عدالتک ، حق و حقیقتک هیچ بر مراقبه سینه تابع اولقمسزین قانونک جاسز و روحسز بر ما کنه سی اولان؛ وجدانلری ، قناعتلری استعمالدن محروم بولان حاکمکر اوکنده ایکی شاهد اقامه سی خصمک پریشان و مضحک اولماسه کافی اولدیغی کورن بر طاقم خلق الک بایاغی احتراماته تابع اوله رق خصملری علیه صنعی دعوالر ترتیب ایتدیلر و یاخود واقع بر فعله خصملری ساخته و مصنوع اوله رق ادخال ایلدیلر . علملری یالان شاهدلر اقامه سیله اولری توقیف ایتدیرمک ، اتمام ایتدیرمک ، محکوم ایتدیرمک یوللری طوتدیلر .

بو صورتله مملکتده حسنزلک وجدانسزلق ، همشهریلرینه و طنداشلرینه قارشی بدخواهلق نعمم ایتمک باشلادی . بونک نتیجه سی اوله رق اخلاقسزلقک الک سفیل و ذلیل درکسی اولان یالان شاهدلکنه میدان آچیلدی . هم جنسک ، هم عرقک فلاکشدن متأثر اولماق او فلاکت ایلسته بهرک بیلهرک قصداً هم عرقی سوق ایتمک وجدانسزلق یول آلدی . بونلر قانونی احترامات شخصیه لرینه آلت ایتدیلر حاکمکرده بو آلتک ایشله مه سینه بو چرخک دوئممه سینه یاردیم ایلدیلر .

مهملر کندیلرینه حکم ایده حک حاکمکرک حضورینه چیققدقلری وقت اوراده کندیلری اوزاقدن یقیندن طانیان ، اخلاق و مشوارینه واقف اولان همشهریلر حضورنده دکل بالعکس مملکتک اخلاق و عاداته ، اهالینک سجا یاسه بیله واقف اولمایان و کندیسینی اصلا طانییان و هر کوردیکی مهمی مجرم اولق نقیسه آلیشمش و مجرمیته حکم ایده ایده وجدانی کورلشمش ، حی قانیتصامش بر طاقم آدمکر اوکنده بولدیلر و بونلرده رقت و مروتدن عدل و راقدن زیاده ناموس فروشلق داعیه سیله هر که حکم ایتمک خود پرستلکنی حس ایتدیلر (۱) . بویکا مقابل بشقه بر سقوط اخلاقی حصوله کلدی . قانون جنایت دعوالرینک رؤیت و حکمی بش کشیدن مرکب بر هیئت حاکمه به تفویض ایتمش ایدی . ژوروی بی تقلیداً بو هیئتک برأت قرارلری لایتغیر عد ایدیش و کذلک به ژوروی بی تقلیداً مجرمیت قرارلری نشان اکثریت آرایه تابع قلمش ایدی . بش کیشیلک بر هیئته نشان اکثریت آرا انجق دوت رایک بر نقطه ده جمع اولمسيله قابل اولوردی . شو حالده هیئتدن ایکی ذلتک برأت رأینده بولونماسی مهمک خلاصی ایچون کافی ایدی . معین بر هیئت حاکمکرده (۱) بن بالذات نه قدر حاکمکر کوردم که محض کندیلرینی ناموصل صامتی ایچون نیچه معصوملرک مجرمیته قرار و برمشلردر .

ایکی کیشینک اطماع واغفال ایدلسی ایسه کوچ برشی دکلدی. بودفنه هر نه صورته اولورسه اولسون جنایت محکمه سی حضورینه سوق اولونان اشخاص نفسلرینی تخلص ایچون بو اطماع وادیسنه مایمغه باشلادیلر. بو طریق انکشافی حاکمردن حسن ظنی رفع ایتدی. اخلاقی اولان بوتأثیردن بشقه حقوقی تأثیراتی دخی بوندن آز مهم دکلدی. اصول محاکمه جناحه دعوالرینی ایکی درجه اوزرینه رؤیت ایتدیرر. یعنی بدایه محکوم اولان شخص ایسترسه بودعوائی استیناف ایدرک ایکنجی دفعه بردها رؤیت ایتدیرمک و بدایت محکمه سنجه مظهر اوله مدینی عدائی استیناف محکمه سندن طلب ایلک صلاحیتی حازدر. قانون جنایت دعوالرنده مجرمیت قرارلرینی صرف قناعت وجدانیسه تابع قیلمش و دلائلک غایت واسع و همی درلو قیود قانونیه دن آزاده اوله رق صمیم روحیه تقدیرینی ژوری هیئته تفویض ایتش اولدینی ایچون بودعوالرک ایکنجی دفعه رؤیتیه لزوم و محل کورمه مشدر. ژوری فصائلک طی ایدلسیله بزده جناحه و جنایت دعوالرینک رؤیتی خصوصنده برفرق قالماش اولمق لازم کلردی. چونکه مادامکه دلیک وجدانی اولدینی حقنده بر احکام وضع ایدلمش و مادامکه کرک جناحه و کرک جنایت محکمه سی حکملرینی اسباب موجبیه اقتران ایتدیرمک مجبوریتده بولونمشدر؛ جناحه دعوالری ایچون ایکی دفعه رؤیت ایتدیره بیلیمک خصوصنده افرادک حاز اولدینی تأمینات عدلیه جنایت دعوالری ایچون اولی بالطریق اوله رق بخش ایدلمک اقتضا ایدردی. جناحه دعوالرینک بدایه اوج حاکمه حکم ایدلسنه مقابل جنایت دعوالرینک بش حاکمه حکم ایدلسی بر تأمینات کافیه تشکیل ایده مزیدی. زیرا جناحه دعوالری بدایه اوج حاکمه رؤیت ایدیلیرایسه ده استینافآینه بش حاکمه رؤیت اولونور. شو حالده بر جناحه دعوائی اولا اوج کیشیدن مرکب بر هیئت حاکمه معرفتیه رؤیت اولونوب استینافآ بش کیشیدن مرکب بر هیئت حاکمه حضورنده یکیدن تدقیق ورؤیت اولونورکن دها زیاده تأمینات عدلیه به محتاج اولان جنایت دعوالری بالکمز بر کره بش کیشیدن مرکب بر هیئت حاکمه معرفتیه رؤیت اولونمقده در. بعضی سطحی نظرلرک تلقیسی وجه ایله جنایت محاکمه سنده مجرمیت و جزا قرارلرینک آیری آیری ویرلمسی دخی ایکی درجه اوزرینه محاکمه لرک رؤیت اولونماسی تأمیناتی قطعاً حاز دکلدی. بو قرارلرک آیری ویرلمسی ژوری اصولدن بقیه بر کیفیت اولمقده برابر ژوری اصولی موجود اولمقده بو صورت متهمک حقوقی نقطه نظرندن

هیچ بر قیمت و تأمیناتی محتوی اوله ماز . طبیعت حادثات اعتباریله بو قرارلرک جنجه
دعوالرنده دخی آری ویرلسی لازمه عدالتدر .
ایشته بوسورتله افراد اهالی اعظم تأمیناتی حائر اولمق اقتضا ایدن جنایت محاکمه لرنده
جنجه مظلونلرندن دها دون بر موقعده بولوندریله رق، حقوقاً محروم و شکل محاکمه ایله
حکامک تلقیات سطحیه سی نتیجه اوله رق اخلاقاً دوشگون بر حالده بر اقلمش ومدنی ملتله
خاص اولان بر اصول محاکمه نك تأسیس ایده چکی مآثر عدالتدن بهره دار اوله مه مشدر .
شوراسی ده بك زیاده شایان نظردر که انکلترده جنایت دعوالری اول امرده بویوک
زوری تمیز اولونان و بکرمی اوچ کیشیدن ترکب ایدن اتهام ژوریسندن کچیریلور . بونلر
اکثریت آرا ایله یعنی بکرمی اوچ کیشیدن اون ایکیمی اتهام راینده بولونمق صورتیله
مظلون علیهک اتهامه قرار ویردکن صکره ایش حکم ژوریسنه تودیع اولونور .
بونلر ایسه اون ایکی کیشیدن عبارت اولوب مجرمیت قرارلرینی اتفاق آرا ایله ویرملری
مشروطدر . دیمک که انکلترده بر شخصه مجرم دینله بیلیمک ایچون وطنداشلرندن بکرمی
درت کیشینک او شخص علیهده رأی ویرمی لازمدر . آوروپانک سائر ملتلرنده ایسه
اتهام ژوریمی تأسس ایتمه مشایسه ده اونک مقامنه قائم اولمق اوزره محکمه استیناف حکامندن
یدی کیشیک بر هیئت اتهامیه اقامه ایدلمشدر . بونلر قرارلرینی اکثریتله ویرلر و اتهام
ایندکن صوکره ایش حکم ژوریسنه تودیع اولنور . حکم ژوریمی مجرمیت قرارینی
نشان اکثریت آرا ایله ویردکلرندن بر شخصه مجرم دیه بیلیمک ایچون هیئت اتهامیه
اعضاسدن بشنک رأی ایله ژوریدن سکیز کشینک رأی انضمام ایتمک لازم کلیر . شو
حالده لا اقل اون اوچ کیشی متهم علیهده رأی ویرمه لیدر . معروف بر فرانسز حقوق
شناسی (۱) انکلترده کی شو تأمینات ایله فرانسه و ممالک سائرده کی فرقی نظردفته آله رق
عدالتک متهم لهنده جریان ایتمه مکده اولدیفندن بك آجی بر لسان ایله بحث و شکایت
ایتمکده در . بزده کی حال ایله بومملکتلرک تأسیسات عدلیه سی مقایسه ایتمک انسانه خشیت
ویرمه جک قدر قورقونج یوز قیزارده جق درجه ده خجالت انکیزدر . بر کره اتهام معامله سی
تودیع ایلدیکمز هیئتلر اوچ کیشیدن مرکدر . ثانیاً بونار تقدیر دلائل صلاحیتدن همانده
محروم و صرف ظاهری و شکلی بر مراسمدن عبارت بر هیئت حالده در . بونلردن ایکی کشینک
رأی بر شخصی جنایت محکمه نه ایصال ایدر . و اوراده هر واست کلدیکنه مجرمیت

قراری ویرمه آیشمش وجدانك حساسیتی تماماً زائل اولمش بش حاکدن دردینك مجرم دیمسی کفایت ایدر. بناءً علیه بر شخصك مؤبد بر جزایه و حتی سیاستگاهه کوندربله بیلیمسی ایچون آلتی رأی کافی کلکده در.

حال بوکه اتهام هیئتلرینك رأیلری قانونی بر رأی صورتنده تلقی ایدلمکده دخی دکری اولمديغندن حقیقت حالده درت کیشینك رأی مجریتی تأسیس ایدلمکده در. باخصوص بر قاج سنده دن بری تطبیق ایدلمکده اولان حاکم منفرد قانونی موجبجه یالکیز بر ذاتك رأی اتهامه کفایت ایتیمکده در که بوزکله عادتاً اتهام معامله سی دخی فعلاً مرفوع حکمنده در. ایمدی انکلتزده بر شخصك مجریتی ایچون ۲۴، ممالك سائرده ۱۳، بزده ایسه ۴ کیشینك رأی کافی کلکده در.

شو رقلر مملکتیزده حقوق بشرک قیمتی حقنده مرنوع بیانات و مطالعاتدن دها بلیغ دها واضح معنا افاده ایدرلر؛ و هر بری وطنداشمز، قرداشمز، هر قداشمز اولان افراد اهلینك حیات و حریتی نصل مهملانه، لایقیدانه تلقی ایتدیکمزی کوسترلر. قانونك وجوده کتیردیکی بو اهل فکر تسوزك نتیجه طیمیه سی اوله رق حبسخانه لرده معصوم و مظلوم وطنداشردن مرکب اوردولر وجوده کلدی. بیکرله خاتمانلر خراب اولدی.

۳ اداره عدلیه به کلنجه اصول محاکمه نی نشر ایله تشکیلات محاکمی وجوده کتیرلر مملکتده بعضی مرتبه اصلاحات و حقوق افراد ایچون بعضی تأمینات وجوده کتیرمک ایسته مشلر ایسه ده بویله بر اصول محاکمه نك بر انقلاب مدنی و اجتماعی دیمك اولدیغنی و بونازك آلتی ایشله ته بیلیمك ایچون اول امرده صاحب وقوف و معلومات آدم یتیشدیرمك اقتضا ایده جکنی ا کلایه مه مشلر در. یالکیز اوروپا به قارشى اصلاحاته توسل اولوندیغنی کوسترمك ایچون فرانسه مجموعه قوانینی یا کلیش و ناقص اوله رق ترجمه به ابتدار ایدوب بوقوانینك هر برنده کی روح و غایه بی غیرمدرك اولملرندن طولانی بونقصانك نه کی نتایج الیمه حاصل ایده جکنك فرقنده اولما مشلر در. غیری شوراسیدر که اداره عدلیه اوتوزیدی سنده نبری تطبیقه نظارت ایتدیکی اصول محاکمه نك روح و غایه سنده یقین زمانه قدر نفوذ ایده مه مشدر. بوعدم وقوف و محرومیت نفوذ نظر در که قانون مذکورک تعقیب ایتدیکی هدف دائره سنده معقول و منطقی صورتده اصلاحنه مانع اولمش و قانونی اصلاح و اکیال ایچون

هر ياييلان تعديلات حقوق افراد اوزرنده آچيلمش بولونان ياره يى توسيع ايتمكدن بشقه بر شيئه خدمت ايتمه مشدر.

اداره عدليه اول امرده شورادن بورادن طويلاديني آدملره حاكم نامنى ويردى وتطبيق ايده جككرى قانونلى دى اللرينه طوتوشديردى . فقط بو حاكملر درجه سنده اداره عدليه دى قانونك صورت تطبيقى ادراكدن عاجز ايدى . بعض كره اوتهدن بريدن ايشيديلان تقدير مسئله سته استناد ايده رك او كا بر قيمت وقوت ويرمهك چايشير؛ بعضاده حكام عاينده كى شكائتلى تدقيق ايتديكى صروده شويله شويله دلائل قانونيه موجود ايكن برائت قرارى ويرلمش اولمقدن طولاني متاديا حكامى مؤاخذه به قالقشوب طورور ايدى . اصول محاكمه جزائيه اداره عدليه اتده برده وه قوشى شكافى آلمش ايدى كه ايتديكى وقت تقديردن بحث اولونور ؛ ايتستينلديكى وقت دلائل قانونيه به استناد ايديلور ايدى .

بودلائل قانونيه بخنى اداره عدليه ده ومحكمه تميز مقرر اتنده متوالى ومتعمم بر بخشدر كه هر هانكى اوراق عدليه جزائيه اله آليز ايسه دلائل قانونيه تعبيرينه تصادف ايدله مك ممكن دكلدر . هيچ آ كلاشيلمادى كه اصول محاكمه حاضره قانونى دليللر فكربينه مستند دكلدر . اوراده دلائل قانونيه مك بر قيمت واهيتى يوقدر . اونك بوتون روحى دلائل وجدانيه وقناعت صميميه فكر ومقصدينه مستنددر . حتى شوراسى ده آ كلاشيلمادى كه قانونى دليللر نه ديمك وجدانى دليللر نه ديمكدر ؟ قانونى دليللر اودر كه قانون بودلائلى آبرى آبرى سرد وايراد ايدرك هر برينك هانكى فعلده نه درجه به قدر قيمت وقوتى واردر ؛ اوتى تعين ويان ايتمش اولسون . اصول محاكمه حاضره مك نره سنده بويله بر سرد وايضا تصادف اولومشدر كه اداره عدليه بودلائل قانونيه تعبيرى استعماله يول بواسون مع التأسف اداره عدليه بوتعيرى استعمال ايدركن بيسله تعبيرك افاده ايتديكى معنای قانونيدن دى غافل ايدى .

وقعا اداره عدليه صاحب وقوف آدملر يتيشديرمك ايچون اول امرده مكتب حقوقى تاسيس ايتدى . بوتدريسات هم ناقص همده زورى عليهنده اولمقله برابر دليللرك وجدانى اولدينى نظريه سنى بعض مرتبه نشر ايدى يوردى . بو فكرى آلهرق مكتب حقوقدن چيقوب حاكم اولانلر قناعت وجدانيه لرينى اظهار ايتدكه اداره عدليه دلائل قانونيه مك وجودندن بحث ايله اولنلر مؤاخذه ايدى يوردى .

اداره عدلیه تشکیلات و اصول حاضره نك مملكتده تأمین عدالته كفایت ایدمه مدیكنی شویله بویله ادراك ایدیوردی . بونك ایچون اصلاحات عدلیه نامنه قومیسئونلر تشکیل ایدیور؟ مذاکره لر یاییلیور؟ قرارلر اتخاذ اولونیور؟ اوفق تفك تعدیلات یاییلیوردی . فقط خسته لغك زرده اولدینی و تصل تداوی اولونمق لازم كله جیگی بر درلو كشف ایدیله میوردی . اگر خسته لق شو فصلك قانوندن طی ایدلمسندن نشأت ایتدیگی اكلا - شیلسه ایدی اداره عدلیه ایکی شق اوکنده بولنه جقدی . یاساده جه بوتون ملل متمدنه نك قبول ایتدیگی طریق عدل وحق تعقیب ایدرك وطنداشلی ینه وطنداشلی معرفتیه محاکمه ایتدیروب اونلرك وجدانسه ملهم اولان قناعت صمیمیه ترك ایدمه جكدی . ویاخود دلیل قانونی نظریه سنی تاسیس ایدرك هر دلیلی آری آری ایراد ایله وبونلرك صورت قبولی و طرز ایرادی و تأمین وثوق ضمنتده شرائط مقتضیه سرد ایدمه ترك و هر برینك هانگی فعلده نه درجه یه قدر قیمت و قوت اولدینی کوستره ترك حاکمرك اصدار ایدمه جکلری حکملری بودلائه ربط ایله حك و بویله جه هیچ اولمازسه اوروپا ملل فاضله نك برعصر اولکی اصول محاکمه لرینه رجوع ایدمه جكدی . و اووقت حاکم و جدان و قناعتلرینه ، حس صمیمیلرینه باققسزین قانونك جانسز و روحسز بر ماکنه سی حالته قونولمش اولورلر ایسه ده هیچ اولمازسه دلائلك طرز استحصال و ایرادیه تأمین وثوق و محقی حقنده وضع ایدیله جك قیود و شرائط و هر بری ایچون افعاله کوره تأمین ایدیله جك قیمت و قوت اعتباریه افراد اهالی لاعلی التعمین دلائل قانونیه نك موجودیتی فکر سقیمندن قورتوله جق و حال مدنی و اجتماعیه بر از دهها تنظیم ایدلمش اوله جقدی . حاکمکرده نه یه بناء حکم ویره جکلرینی بیله ترك حرکت ایدمه جکلر و اصول محاکمه نك شکل حاضرینك حاصل ایتدیگی نتایجندن آزاده قاله جقلردی . واقعا بر چوق حقیقی مجرملر قورتوله جقلر و بر چوق معصوملر محکوم اوله جقلردی ؟ لیکن هیچ اولمازسه بو خلاصلر بو محکومیتلر بر اطراد و انتظام آلتنده جریان ایدمه جك و نه ایچون قورتولدینی ، نه ایچون محکوم اولدینی بیله جكدی . فقط ملل و اقوامك ترقیات مدنی و حقوقیه طریقنده اعصار ماضیه یه رجوعی هلاک و اضمحلال دیمك اولدیفندن و عصرلرك وجوده کتیردیگی تجربه لر بالجله مللر ایچون بر مشعل هدایت بولوندیفندن شبهه سز اوروپاده عصرلرجه تجربه ایدلمش و هر درلو صلاح و تکاملیه برابر حقوق اقوام و افراد ایچون مضرتی کوزولوب ترك ایدلمش اولان بر اصوله رجعت معقول و منطقی اوله میه جفندن بو تجارب اعصار ایله وجود بولان

و شهر سازدها عالی ودها متکامل بر تأسیس اولوب بوتون اوروپا اقوام مدنیہ سنجہ رکن عدالت اولمق اوزره قبول و تعمیم ایدلمش بولنان زوری فکرندہ قرار قیلنمق لازم کله جکدی . مع التأسف نه بالذات اداره عدلیه نه ده اصلاحات و تعدیلات نامنه تشکیل ایتدیکی قومیسونلر خسته لئی کشف ایتمکدن عاجز بولوندیله .

محکمه تمیز ایسه همان ده تماماً اداره عدلیه نك نقطه نظرنی تعقیب ایتدی . قانون محکمه تمیزی یالکز احکام قانونیه نك حسن تطبیقنه نظارت . ایچون تأسیس ایتمش ایدی . بوبر هیئت عالیہ مراقبه ایدی که محکمه لرك تطبیق قانونده ایقاع ایتلری ، محتمل اولان خطالری تصحیح ایده جک و علمی بر طرزده مقرر مطرد و هر محکمه ایچون رهبر اوله جق اجتهاد لر تأسیس ایده جکدی . مسائل فعلیه بوهیئت نك دائرة مراقبه سنه داخل دکلدی و اوله مازدی . بر فلك ثابت اولوب اولمادی قضایه سی محاکمه بی بالفعل اجرا ایدن محکمه هیئت نك تقدیرینه مودوع اولوب محکمه تمیز بوتقدیرك خطالی اولوب اولمادیغه قاریشه . مایه جقدی . بونی تقدیر اولوندینی وجه ایله قبول ایدرك یالکز تدقیقاتی مسائل قانونیه یه حصر ایده جک و قانونك با کلس تطبیق اولونوب اولونمادیغنی مراقبه ایده جکدی . بونك بویله اولمادیغه غایت طبیعی ایدی . زیرا محکمه تمیز تدقیقاتی ضبط دعوا یه بنا ایدر . حالبو که حکمه اساس اولان قناعت ضبط نامه لرده مندرج اولان کیفیات دکلدیر . دعوی ضبط نامه لرینك ضبط و تثبیته موفق اوله میه جقلری بر طاقم حالات و کیفیات بر طاقم اوضاع و آفات بر طاقم روحی حادثات وارد که حکمك قناعتی بونلر تشکیل ایدرله . محکمه تمیزك تقدیر قاریشما سی ییلمدیکی کورمدیکی آکلامدینی وجداناً ادراک ایتدیکی بر شیه حکم ایتمی دیمکدر . دعای حقوقیه ایچون دخی بویله اولان بوقاعده دعای جزائییه ده بوتون وسعت و شمولیله تطبیق اولونمق اقتضا ایدردی . بالخاصه زوری فکری تقدیرك هر درلو مداخله دن و مراقبه دن مصون و آزاده قالسی قصدینه معطوف ایدی .

انکترده دعای حقوقیه نك بیله مسائل فعلیه بحثی زوری معرفتیه حکم اولونور . محکمه تمیز بو ده وه قوشی حکایه سی تمامیه تطبیق ایتدی . قطعی و مقرر بر مسلك اختیار ایتدی . کندیسندن مطلوب اولان وظیفه یی تشویش ایلدی . کاه تقدیر قاریشما کی کوروندی . کاه اداره عدلیه نك تمایلاتنه تابع اوله رق تقدیر حکامه مداخله ایتدی ؛ شو شهادت و یا بودلائل موجود ایکن شویله حکم ویرلمش اولماسندن بحث ایله اعلاماتی

تقص ایلدی . تدقیقات تمیزیه بی اویله بر شورش ایچنده براقدی که بر هیئت عالیہ قانونیه نك وجودندن مملکتك ایدم جکی استفادہ تماماً عقیم قالدی . حالوکه ژوری حقندہ کی احکام طی ایدلمهش اولسه ایدی بو شورش قانونی به دخی محل قالمیه حق ، محکمه تمیز یالکز وظیفه سنك تطبیق قانونه عائد اولدیغنی ادراك ایدم جکدی . زیرا بو شورش حکملرك بر محکمه معرفتیه ویرلسندن ومحکمه لرك هرايضا ایتدیکی معامله نك قانونی اولدیغنی تلقی سقیمندن نشأت ایدیوردی . ژوری فصلی بو تلقی به سد چکه جکدی . زیرا واضح عبارت ، صریح افاده لرله تقدیرات حکامك هردلو تدقیقات تمیزیه دن مصون اولدیغنی کوستره جکدی .

والحاصل ژوری فصلنك قانوندن طی ایدلمی وطی ایدلمکله برابر هیچ اولمازه او بوشلمی طولدیره حق علمی منطقی برشی یا پلامی مملکت وخلق ایچون هر نقطه نظردن مضر وفلاکت انکیز نتیجه لر ویردی . بو نتیجه لرك قربانی ایسه بیکلرجه معصومك حیات وحریتیدر .



خلاصه ژوری عدالت جنائیده بررکن اصلیدر . ژوری موجود اولقسزین صادر اولان حکملرك مقارن حق وعدالت اولسی پك زیاده شهیلیدر . بوتون ملل فاضله ومتمدنه نزدنده ژوری فکرینك محض عدالت اولدیغنه اوقدرقاعت واردرکه عظیم بر تحول اجتماعی ومدنی واقع اولوبده بوندن دها عالی بر تأسیسك اقامه سی امکان فعلاً وماده ثابت اولما دجه بوقناعتلری خللدار اوله ماز . زیرا بر عصر دنبری اوروپاده واقع اولان تجربه بونك حقوق افراد ایچون نه بویوک نه صارصیلماز بر تأمینات تشکیل ایتدیگنی اثبات ایدوک ملتلك عمق روحنه نفوذ ایتمش اولدیغنی کبی اعصار مجهوله دنبری انکترده واقع اولان تطبیقاتی ایسه انکیز قومنك بوتون جهان غبطه بخش اولان سعادت وحریتك مبنائی تشکیل ایتکده در . حتی بر انکیز حاکمی ژوریدن بحث ایدرکن دیرکه : « انکیز لر الله شکر ایدیکز که ژوره لر واسطه سیله حکم ایدلمک امتیازی سزك آندان طوغمه برحق کزدر . بوحقک اولاد واحفادیکزه بوزولیه رق انتقال ایتسی ایچون الله نیاز ایدیکز . اونی قانکزك صوک دامله سنه قدر مدافعه ایچون یوردیکزه ، اوجانکزه ، معابدیکزه یمین ایدیکز . بوتأسیسك استقلالنه وصافیتنه

خلل ايراث ايتىك ايجون بايىلان هر نوع حرکات وتشبثانى حربىتىك قاتلى صفتيله تلىق ايدىكنىز. (۱)

اكر مملكتده جدى برعدالت ، هر درلو منويانك ، تمايلاتك ، تاثيراتك فوقنده وهىچ برشيدن غير متاثر ، قوى ومتين برعدالت تطبيق اولونمق ايسته نيولور ايسه زورى تاسيسى قبول اولونمليدر .

اوروپا حيات اجتماعيه ومدنيه سته تاما داخل اوله رقى بين الملل بر موقع حقوقى احداث ايتىك تصور وآمالنى طاشيور ايسه ك بين الملل موجود اولان تاسيسات قانونيه وعدليه يى دخى قبول ضرورتنده يز . بالجملة ايم فاضله نك عصر لرجه تحرى ايدرك بولدقلى ودها على بر اصولك اقامه سته شيدىلك امكان كورمدكلى بر تاسيس مدنى وعدلى ، بلاتردد يز دخى قبول ايدرك مملكتى قوى وامين برعدالتك بخش ايله چكى فيض ونعمتله تجهيز ايتلى يز . بر صورت هم افراد ملت هم ده اجانبه امنيت واطمئنان حنى ويرر ؛ ومملكت شوتشوات قانونيه نك توليد ايلديكى مصائبىن قورتولور . احياناً بعض مجرملر خلاص اوله بيله هىچ بروقت معصوملر قربان اولماز ؛ دعاوى خنايه ده تزويراتك اوكى آلير . ذاتاً بر حكومت عادله ومتمدنه نك اك برنجى وظيفه سى معصوملر ك بر خطاى عدلى به قربان اولسه ميدان ويرمه مكدر وذاتاً اصول جزاييه مجرمتك اثباتندن زياده معصوميتك اثباتى ايجون موضوع بر قانوندر .

يوسف ضيا

